



后溪集  
元

共  
目

~ 16  
2441  
1





門 2441  
卷 4

后溪集詩一

溪村晚步 壬戌

豐城趙裕壽毅仲 著



悠揚寒日下 暹山淺水啼禽曠野間  
旅憤秋悲交切切 自然臨逝不知還

奉恩湖寺早春 丙寅

明公宴室野湖前 鐘梵聲遙覺地偏  
雪水初平桃葉渡 韶光欲入雨花天  
飢徒香積分朝供 懶被高禪笑晏眠  
戲問慈航亦何力 寒洲日暮有呼艖

邊城秋興 月課代作

遼東蘆葉管聲成 薊上風頭裊旆旌  
刁斗令新愁永



夜衣袍詔賜徧諸營寒雲遠火三城戍降帳悲笳幾  
國情解賦從軍秋日樂并州鞍馬有高生

上林秋興

昨夜秋風入上林漢宮秦苑晚蕭森最憐玉樹霜先  
落自覺金鋪日易陰歸掩長門人寂寂寓眠華省夜  
沉：近聞鄠杜閒耕種無事相如諫獵禽

良才途中吟奉寄仲氏

戊辰

漢津朝渡路逶迤京闕浮雲北望憶客子無家唯有  
病秋懷遇別輒成詩露霜俱發憐鴻翼媚日孤鮮愛  
菊枝笑道湖鄉底處所吾今未到算歸期

贈金散人瑞宗并小序

戊辰季秋始遇嚮所慕用金君於湖西寓舍具跌  
宕傲睨酒後善達非腹有詩未能也風騷自命刻  
意聲韻幾於古寒瘦者之態而其窮殆過皀燔室  
間有生人之至艱余恐其窮戚無賴輕世而遂往  
故贈詩以廣其志庶幾乎上士忘情之旨而無以  
其窮罪詩而與弁髦焉則可矣

強半新篇悼瘞殤天公故意攬騷腸積來詩卷傳無  
子到處行窩住是鄉白酒初成真一法黃花始發第  
三霜秋風暮矣要君飲醉後悲歡易兩忘



秋盡日分韻得山字

茱萸泛酒餞秋還為客光陰兩候間景短尊壘留永  
夜天高筭籟滿寒山坐中得句誰新格病後唯花有  
好顏吟罷羈愁發詩上孤雲西北我鄉關

春生百子殿日課代作

雨露諸房遍偏知一殿春花含百種果月映兩重輪  
朱紱扶床衆金錢賜浴頻時分聞鷄隊箇自天人

送呂師仲光周性覲其大爺相公慶源謫所

短日方南躔行人欲北轍悲吟餞將歸迅商助激烈  
艱哉北上苦遙征彌日月嶺杪捫高天關門下幽窟

謫居何遷次荒江際窮髮越國無似人京洛遙於日  
懸知引領望待汝復置膝弊裘無已薄浮膝或虞蹶  
尚慎畏途間毋悴千金質東征豈久淹我王終昭  
察將期返鷁日未積寒門雪

訪李子東海朝仍與游仲雲家後駱峯呼韻

清露新蟬候乘涼可望賒北隣携好侶東厠藉幽花  
物態紛多變秋暉澹易斜孤吟殊未返城樹已歸鴉

萊伯李得甫德成之行闕贈詩書來追索寄之

日南烟雨瘴秋天海上麾幢擁少年幕府前趨對馬  
使籃輿時訪花魚禪薩洲浪靜戈刀鈍江戶艇通錦



綺鮮不信清水壺裡在試看明月浦中旋  
釜山港口繫餘皇左水營中卧綵槍應有叅軍解蠻  
語只消老子據胡床黃梅雨濕憂諸瘴青李秋來見  
數行書後何無三百顆海亭霜落橘船香

夜深客罷

賒取村醪得醉微柴門月好客旋歸初喪一鶴憐空  
帳獨護寒梅下覆幃

寄吳保卿

命峻

君體清羸我衛虛相憐今已十年餘懷人未得一消  
息計歲唯殘三達除秦贄倦遊今莫問南圖壯志向

何如便思改計從漁釣何處兵生俯水廬

夜雪

不知牛日夜來深窓白惟疑落月侵一綫春光小  
樹藏梅閣外盡窮陰

至月十三日

佳客期何晚寒梅落不遲低雲常欲雪短日故催時  
簡蠹偏同癖杯蛇未去疑閒愁與漫興自課五言詩

至後五日

相惜朱顏歎歲闌新年曆日異鄉省試聽鶴語驚今  
雪唯恐梅魂觸夜寒初月半弦承晦好一陽微線望



春寬忽聞詩社諸朋會起色明朝試筆端

送洪密陽受疇

五年復食嶺南魚之鳥皆公一集餘莫訖詩翁兩湖  
長當翰仙令二樓居危魂尚悸藍關馬散夢初驚鹿  
吏車遙計安仁上花縣登林儼鼓歲方除

豆浦訪春登四宜亭暮歸已巳

閒行命小艇短僮為黃頭韶景晏一江弱楫信安流  
忽近蔭柳村轉過生草洲波光入浦渾漁舍依瀼稠  
杏花桃未坼河豚肥可羞沿湖步晴沙上磴得高樓  
巖壑有山思令我忘登舟春遊慨獨愜春望終悠悠

非無會心處景西難徧搜高詠韋蘇州歸帆便石尤

楮島過金三洲昌翁空宅尋僧奉恩

張帆桃花水停舟楮子村野堂題鳳罷禪院對僧言  
晴景籠湖麗春陰護寺繁風潮催興盡忽與返柴門

待人蠶島暮歸

日暮烟波意須人更淼漫未愁歸垞遙東風吹至岸  
尋春甚後綠葉可籟而花無留者

只信春多更三十仙家到晚負初心巖花不解經旬  
艷壇葉先成一夏陰落日催歸嘶繫馬清溪隨曲有  
鳴禽糴丘酒沿營須速便趁清時共入林



投宿成歡驛携督郵上滌愁樓

麥氣能扇五月風新蓮已滿一樓東十年行役登茲  
屢復倚濃陰欲雨中

和贈柳雲卿雲瑞

長夏端居茂樹村時：幽勝聽君論結為謝客山中  
倡倡以莊生象外言峽瀨挖舟吾計擬龍湫倚杖爾  
思存東南終是區：者會上毗盧看出瞰

解嘲

言大應為下士笑形虛唯慕列仙癯神遊不駕常騰  
上病障如籠輒觸隅初志靈均賦崑閬中年宗炳畫

衡巫請看一室澄懷具山水絙琴五嶽鑪

和季父制軍赴官省墓志感詩

廓然餘日復專城季父深哀似楚卿官路不傳東郡  
賦 主恩猶過定襄瑩朱櫻素柰傷園果青筍銀魚  
泣案羹和上一篇多苦語小咸情事自同聲

又次奉別仲氏還京韻寄家仲氏

澄景天涯四見團又驚秋候鴈嘶酸二年餬口人今  
瘦經月無書使苦難滿眼江湖身外白對床風雨夢  
中寒嶠南山水嗟無遇只許吾家小謝看

和仲氏次壬戌送行韻



昔別復今行江路俱薄寒來詩與去什感念惜一端  
後蘭不可賦嶺雲誰忍看躑躅游宦道多負不逮嘆  
吾欲竟此吟羈孤易摧肝

湖外贈林汝兼

濟

身隨賓鴈到滄洲心為江湖豈食謀人寶東南逢陸  
氏地形淮海似揚州山川自曠登臨處草木初衰慄  
慄秋月島觀潮新起色明朝浦口賃扁舟

陪季父登洪陽南城

寒天晚眺盡譙頭刺史籃輿導一騶今日邑人歌醉  
守古來仙吏降名州嚴城鼓角凝秋思薄海雲陰抱

層樓更說李家池館好公餘請與葛強遊

宿茅山溪榭

紅籐朱果入門垂閒館鳴泉在所之淮浦相逢皆北  
客江湖無際更山池高秋落木裁騷怨一壑流波汎  
瑟瑟幽興欲闌思壯觀寒濤八月半城隍

登永保亭

一區朝汐海而裨天作元戎濯鷁池鰲冠山丘常似  
盪屋嚙樓閣不勝危戈艇大闕南征士鐵板高歌東  
去詞更要小欄看汎火軍城閉後退潮時

過龍淵李愬戎慣雙溪亭



荔浦雙溪水第君小弟家今年何福力得見洞仙多  
瀑布常垂雨峰陰或變霞一丘如半捨願置病維摩

仲用驛館九日

寒雨仍驚落木風故人郵館偶相同自從淮海多僑  
寓便道兵中勝洛中

清樽燈火古郵亭忽念湘濱客滯零為借馬曹桑落  
酒秋江冒雨問孤醒

暮雨投道泉寺

暮乘寒雨入諸天卧聽秋山噴竇泉七日酣顛滄海  
上今宵斲學趙州禪

舟上扶江待沈思仲齊賢不至

掛席扶餘國東南雨色開空聞暮潮至未信故人來  
風水牽期濶江山撫古哀船堪沿月棹獨過釣龍臺

遇思仲於扶江同泛臯蘭寺下

清秋倚棹待夫君下浦俄逢客載樽江國千年魯殿  
盡南朝百寺尾官存高崖紅樹明齋舫曲渚幽波帶  
給園松為湖山不放客賜環猶欲住湖村

清江灣曲石崔嵬昔日梁王有吹臺陳迹可為詞賦  
吊輕舟今載沈郎來

四言二章奉弄琴亭主人



昔我初至羣木青  
糝今我來晚澗  
葉紛飛流波日夜  
晚顏難衰一壑善  
藏世力莫移高山  
流水琴道如之  
先生不棄願托牙  
期

落葉滿流備竹綠  
山薜荔衣帶人在  
其間我問世事  
瞪目無言鳴琴一  
曲眾壑潺湲秋陰  
暮矣巖扃將關  
拙隱未得令人永  
嘆

登月山小菴夜聽李君羨彦著奴吹簫

中宵人籟引崢嶸  
響殷空山老釋驚  
秋氣忽高無射  
律鄉情乍動武陵  
行虛猜西閣侵晨  
梵徐曳東灘永  
夜聲坐了諸緣心  
地外令人思學古  
先生

新昌途中

匹練霑霜馬行人  
發孟冬狂歌驚逆  
旅方語慣兵僮  
遠路沿湖盡寒城  
隱木重飄零文武  
道短帙倚雙龍

晚行素沙

晨色迷前左微茫  
古寺波蒼涼寒日  
曙的礫遠村炊  
蚤暮唯星戴秋冬  
忽序移祇憂三秀  
望歧路遂差池

得至月梅奉仲氏

常時花候犯春遲  
今與微陽到不期  
粧閣偷先月姊  
抹唱惟羞殿雪兒  
詞奇熏自信生南  
國淑氣無私徧  
北枝惆悵一株江  
北晚故園贈賦臘  
梅詩



謝趙休天鴻祥贈古梅一盆

馱致寒梅戴雪株  
美人幽貺自西湖  
清香知爾同心  
臭踈節如吾  
久病癯攀弄  
素華當尺璧  
報回青案之  
明珠征南歸  
橐殊瀟灑  
一樹娟、渡漢俱

大雪中復賦梅

一樹花光映雪前  
六花千疊讓孤鮮  
奇香忽墜如過  
麝素質雖呈不染烟  
尔墮維摩聊戲耳  
能留歸客一  
嫣然丈夫鐵石因  
君軟已賦梅花第九篇

送李令

秦龜

自成川移擢嶺南伯

代作

候吏西來並八駟  
此時君在沸流舟  
那將雲雨千重

峽却擬湖山七十州  
幢節引登江上嶺  
笙歌拋下夢  
中樓南來榮奉尤堪艷  
壽席前趨列郡侯

紅白梅對立庭中

對暎春天兩色枝  
國香相嗅似相知  
縱教緋素裁衣  
別祗是梅家大小姨

三月與諸人賞花正峯谷分韻

八韻

書來言酒熟病起及辰良  
綠軟溪南路紅明谷口庄  
閒從踏青侶闌入散花場  
絳蘂傳時墮晴薰坐處香  
詩徵諸客簡歌侑野人觴  
遲日如留飲餘寒尚獵芳  
身畸逢好會興歇覺他鄉  
惟有顛酣態人無似我狂



春日鄉寓湫陋忽憶茅山此時春景方新悠然  
有若仙之慕遂以一律寄主人君羨而馳羨之  
至辭多類遊仙詩語君羨而何人能當吾神仙  
之目耶呵

仙人洞壑對滄溟春色先歸紫翠屏數曲潮呈雙樹  
寺百重花掩四松亭先生鼓瑟山崖答道客觀棊澗  
水冷莫恠興公賦台嶺神遊不隔石門扃

次山海菴韻留別君羨

茗溪春樹峭山烟鰲浦東偏月寺前丘壑一生仙老  
卧江湖二載客星懸池萍偶合應前債海燕輕飛又

各天何處難忘好會合黃梅雨夜竹堂眠

子東內挽

犀錢三舉鳳鸞雛璧玉相憐兩婦夫總賀室堂經歲  
就坐悲床簟入秋孤餘微寂寞埋香誌苦願虛無寫  
佛圖最是韋叢貧活計他時營奠泣黔婁

阿翁天畔泣蘭芝夫婿懷中歎稚兒拋倚殘機絲斷  
續齋歸遺服繡歲鞋杯盤屢荷沾賓客佩恍曾聞憲  
女師經緯情文應有作潘生試誦悼亡詩

別洪慶源受晴

白山南界亘江流二載遷人復宦遊風雪屢侵紅玉



面道途堪弊黑貂裘邊民聚首嘆懷綬塞妓分行擁  
上樓氣色檢殊前出塞詩篇合作反牢愁洪前配此  
郎慶興  
征塵欲動杪秋寒前去應愁雪色山時論本輕邊太  
守宦途猶度鬼門關書生鞍馬并州態都護旗牙北  
府閒莫採邊聲歸嘯咏胡歌暮引不勝潛

龍仁路上抒懷短律寄仲氏

山川四時路偏犯杪秋行寂寂歸窮曲悠悠別上京  
湖湘新葉落霄漢晏鴻鳴誰念繁霜下畸人夜亦征

夜投李國彥台佐新寓

霜蹄衝夜到君家縣左孤村古木遮款遇故人烹藿

菽訖言新地可桑麻香粳尚滯孤鴻粒露菊初鮮老  
圃花謾讀齊民書一部吾生何處寄生涯

賦得紗糊梅窓二十韻

吳紗流水出瓊樹潔相如籠作留春閣全勝清夏幙  
波粼重疊縷玉倚兩三株繁蘂啣青瑣交枝拂碧疏  
織文相映發花豔與敷腴髣髴總分色迷藏不露膚  
輕塵到猶辟戲蝶犯疑無隱隱月舒霧盈盈水置壺  
琉璃有寒色雲母未深居蠻帳疑較織仙樓自蜃嘘  
夜缸搖絢爛朝日洞扶疎漏氣難停麝如烟欲染酥  
說空猶是色生白本因虛玉女窺窓艷班姬映扇孤



依微香鬢月清淺影沉湖骨冷頻驚曉魂迷欲睡  
鮮飈拂凌亂素雪照模糊上客花縈筆佳人錦襲裾  
麗情詩綺語清唱曲羅敷還笑粧嚴薄紅羅荔子襦

紗籠梅窓

輕紗不與惡詩籠：得梅花看映空風定綺波猶演  
漾日高花睡尚朦朧依：網綴蛛遮護裊：烟絲麝  
漏通笑殺平康冶遊客只要紅粉坐其中  
竹簾紙閣不勝重糊却只紗一面通是色是空觀不  
定非烟非霧氣常濛波舍綃素明較室日射呆愚擢  
漢宮還恐維摩禪力壞散花天女在窓中

堂后從氏

九壽

歸扶江新野路歷宿題奉

翻：雙鴈並南飛俱畏春寒未北歸彭蠡瀟湘洲渚  
別可憐同旅不相依

雪落而歲行盡矣病居無賴有懷柳雲卿齋居  
亦以逕絕未果從之獨寄此

連旬北風厲竟朝素雪積孤懷不自聊歲運仍欲易  
顧念西庵室我友頗乖隔高情着幽禪初服製青薜  
深宵讀書聲也應驚山客冰橫舊行澗古琴倚何石  
天寒百蟄飢恐無貧士食我欲裹飯往路阻難杖策  
歸來莫淹留吾道非空寂



大雪之越二日與數人者入清流僧舍晚賞

昨日見雪落題詩寄雲谷今朝晴景佳起色破幽獨  
翩然振策出澗道平崎曲從戎者二客浩歌楚秋竹  
返照閃峯素回風振林玉迢迢銀色界比烟知僧屋  
高窓騁晚眺一色同川陸澄華明夕陰晚洹生肌粟  
暹昏僧樵返厨煖齋飯熟依々出谷去後期付老宿

早春三望

小雨青陵麥餘寒始向和經年人去國昨日燕來家  
土脉新犁入山田暮燒多故園雖早返已後小桃花

踏青日步溪南

佳辰強起澗邊行曲水浮觴愛舊名細草原南纔點  
纈早紅枝上不分明東風剪々春衣薄晚雨霏々溪  
水生更待菴僧報花祭村西小寺賞新晴

到龜菴主人兄赴隣縣未還無聊有作

惆悵主人出辛勤遠弟來誰留春社飲獨待晚帆迴  
極浦踟躕暮高窓徙倚開忽思前歲事須友過龍臺

皋蘭寺

青壁插清江綠葉被朱夏停舟繫楓岸杖策入精舍  
江光漾浮圖水周芳寺下龍臺晚花紅孤石曾餌馬  
帳吟遵江辭深悲亡國社清波錦帆滅廢城宮樹楮



當時綺羅畢水殿為蘭若江山幾劫灰舊物餘鴛尾  
騷人詠代謝野僧笑幻假晚鐘回潭黑歸席微風灑  
惆悵山有花遺音和漁者

寺下遇李對山坪艇同泛上虎巖而還

山河韶麗國墟荒寺壁題詩盡吊亡水榭來登寧見  
主酒船相問喜同鄉桃花浪減篙腰出麥垆風來席  
面涼日暮應歸精舍宿烟波何處喚慈航

遣遂奴上花巖吹之

孤管裂青壁餘音曳綠潮悲涼日暮意只似怨前朝  
別龜巖

念別不能眠江樓風雨天慙憊偕隱意勸買水西田

霖叔往濯丫溪聽琴

長安叔積雨逃暑入園林噴瀑千崖白垂簾一澗深  
夕陰凝菡閣漉醜鳴琴相贈歸城邑餘涼滿客襟

聞雲卿遊德裕還有懷賦之壬申

南紀連山內中藏百洞天時危思福地骨俗愧癯仙  
芝朮春何限風泉日灑然相期移宅入共傍七龍淵

過徐孤青起舊里

異質生南服茲山寔炳靈一方尊節孝衆由讓孤青  
故里踈墟木遺祠掩壁經秋風洞鶴路過客薦微馨



洞鶴寺

寺入千峯底泉來兩峽間碧巖歸火宅蒼鶴去寒山  
天闊烟霞府僧開紫翠關團：秋桂色歲暮慨孤攀  
登洞鶴寺後峯

昆吾御宿勢昭回天設陪都氣象開山靄畫塞南紀  
望瀑泉秋撼上方來無僧古殿颺：葉棲鶴危巖滑  
：苔忽憶前年遊太華雪峯還似見雲臺

同子東上清流講室宿分韻得悲字

村東見月客來遲猶到西菴未定時山靜澗聲喧瑟  
筑天寒林籟和參差羈蹠吾已江南語豪詠君能洛

下詩惆悵謝塘無復夢夜闌吟罷各深悲

和子東高字

餞秋歸後罷登高尚對餘花喚濁醪詩酒社清無俗  
物江湖境遠寄吾曹五更僧梵寒空落十月山鳴朔  
吹蹄祇為離人逢歲暮不禁鄉思句中操

臨清流小潭

比泓明谷口秋水積清漣古色雲根浸微陰松蓋顛  
濯纓資湛：澣策弄消：笑殺寒山夕淹留為小泉  
新得小瀑於村東蓋土人未之知也二首癸酉

何處巖幽瀑求源野寺東屢迷蒼耳下頻覘綠蘿中



卸底纒玲瓏巖端忽掛虹欣然說來客佳境待吾通  
清湍久蕪沒幽逕積青苔名谷愚公去開山謝客來  
翦蘿林覺午踈溜瀑添雷何用銘吾迹題詩翠壁廻

寄題柳津家黃溪池亭

翮：身手氣權奇墨鈔魚能競病詩東武園中間壯  
士北平門下舊偏裨發弓晚入琴碁社剗埒初圍梅  
竹籬須具扁舟載大酒觀潮滄海有前期  
茅檐竹屋隱溪源茗酒香時客到門藏檻小梅瓊雪  
骨蘸池孤島碧雲根歌鬢解說党家事詩老時過何  
氏園不少西湖花竹主獨憐風韻在橐鞬

梅五絕

初日生花色青紗隔愈鮮數枝無覓處其下竹蒼然  
玉樹寧獨立青玕配其下扶踈竹外枝若倩耘之寫  
掩映檀藥叢踈花媚倩翠還疑漏暗香竹裡多寒吹  
蟠曲梅如薺嶺崎石學山寂寥花數點香滿眾峯間  
橫枝出嵌空落藥胃苔壁曾上江南山巖阿見此格

越五日復往濯熱

追涼何何處野騎過精籃樹翳琅琊谷泉懸鈎鉞潭  
振衫新浴適燒筍晚食甘歸路何愁熱風蟬咽翠杉

送柳雲卿上鷄籠山讀史記魚記舊遊五絕



西室臨泉處應於是讀書好隨禪誦侶精苦及三餘  
自用卿鄉法千迴讀伯夷未離東鶴寺人已誦君詩

金栢谷詩云韓文馬史  
千迴讀金唐之鄉先生

前歲獨行時見君詩在壁僧言鶴斃人曾立南樓夕  
樓臺澗南北僧渡卧槎橋不歇風泉響高窓聽一宵  
蒼屋落葉路往禮中峯禪日暮穿林磬秋山更寂然

### 夜入麻谷寺

的：淵生白沉：谷入玄橋登溪數折寺在水何偏  
列炬驚棲鳥敲扉聒定禪僧言過處怖虎跡印潭邊

### 麻谷寺

清流環寺狀如雍樓下淵蟠護法龍福地天藏雙水  
會名藍入湊兩湖衝槎橋客坐臨秋瀑澗確僧來者  
夜眷唯惜溪源昏過處暗中湍瀨失重：

### 登大興山城將臺

天磨城勢到天隆大將壇尊眾岳中朴瀑洗乾兵甲  
淨聖居堆竝廩倉崇高鳴疊鼓殷諸壑孤卓牙旗颭  
烈風若使胡見城下見也疑天上有元戎

聞妙香道安大師振錫南下闕巖經于伽倻路  
由歡城之華山一宿而去而相距由旬竟違一  
叅可勝悵然



聞道彌天降華山南僧親得禮師顏碧雲暮合勞翹  
首紫氣朝過失候關緡歲紅流經夏計渡盃清淚幾  
時還平生四海思勅敵願對機鋒一座間

題琴囊歸李弟叔馨德欽

自君之去矣虛室獨琴橫時有風來拂如君指上生

觀獵雉

鷹騰黃犬擲獵響繞寒山絕叫投條去相歡得雉還  
林風吹羽纈澗雪割鮮殷可笑如臯者徒能媚婦顏

姜正

錫圭挽代作乙亥

東野官低鄭老貧只工文字不工身中年自踰聾牙

叟當路誰憐歷落人紫誥任從餘子泥青雲留待少  
郎伸悠：榮悴啣杯了一鍾翻埋醉伯倫

送洪忝議度疇入燕

昔於關塞飽艱難何事今行又犯寒羶幕夜圍深雪  
宿野厨朝雜半水餐地偏燕谷春冬錮天濶遼山早  
暮看油舖買燈歸守歲館中言語獨三韓

山後諸州朔氣哀苑中南海塹深灰雲端天子今難  
見海外波臣孰為來中夜悲歌思孝廟十年攬涕  
過昭臺君看燕士皆胡服感慨何人戀漢哉

送茂朱使君申令公懷

代作丙子



何人不願上揚州  
名郡終歸第一流  
蓬苗秋晴曾露冕  
赤城霞暎更張油  
丹生句漏供仙令  
樓敞東陽卧隱侯  
須餉老夫流病渴  
德山霜熟果獼猴

姻兄李太僕

成朝挽

使居廊廟不如誰  
五品銘旌乃止斯  
器度難窺龍虎谷  
門闌自別鳳凰池  
四年關塞愁中酒  
兩郡江山去後碑  
踈冷庭槐丞相宅  
尚看餘慶在諸兒  
瓜葛申排弟伯行  
竹松仍接北南墻  
凡襄願斷杯中物  
我病常資肘後方  
萃屋山丘俄一夕  
清樽風雨又重陽  
世間東也同吾痛  
那忍人琴各兩亡

送海伯得甫令

因何不處鳳凰池  
自倚榮光在擁麾  
夷夏亭前厭畫角  
芙蓉闌外聽參差  
雲邊孤竹寒惟色  
雪下盤松出節時  
一路澄清三郡化  
聖朝偏似重西陲

雪後晚眺寄子東

家童新掃老松根  
獨岸雲巾眺駱村  
瓊澗乍窪梅丈宅  
玉山初聳企齋園  
寒郊樵子歸無影  
晚照城鴉閃有痕  
欲簡東臯期日戰  
却愁風雪凍弓韃

曹潭陽

殿周挽代作

平生交契晚姻親  
禊事曾聯大小辰  
壁潤初迎慙女



醜金華獨上慨君淪魂杳新館三更鳥淚滿潭州百  
斛春不忍見之藏篋笥舊遺筠扇織魚鱗

與諸友入丁溪以空山無人水流花開分韻得  
空字丁丑

近住東園裡頻來南澗中携琴綠翠磴下馬繫青楓  
瀑怒前宵雨花危薄暮風醉歸還悵望樽倒石壇空

鹽州平遠堂次壁上韻

川陸高深勢樓臺曠遠心智恢禪竈適襟豁仲宣臨  
天落湖開鏡洲空海化琴廟堂知本此翔自尹梧陰

上君子亭觀打魚

芡盤蓮葉大如杯四月南波鏡水開青岸馬牛纒指  
點綠波鷗鴨渺泔汨水風淡飄烏角湖日融炙  
鯉腮更促行厨進小膾軟荷包鯽釣艇來

晚出留浦登戟船看月

落日尋留浦鳴鞭繞大堤月初牛斗轉潮已馬時西  
積水貞州濶孤烟角島低更登平乘望波際指青齊

午潮時泛留浦

漾舫留浦春潮漲碧鱗綠油承日穩紅旆颭風頻  
水汎喬桐縣天低甲串津窺魚海鷗鳥不得笑機人

截浦捉魚



大箭潮高四月中晚來魚眼映波紅翻  
：掠網饒鷗舞稍：呈鬢涸鮒窮漁艇載鮮揮濁淖水厨飛膾灑腥風斜陽歸路南池上更玩遊儵蓮葉東

登花石亭

江雨輕霏赤石屏樹間微露碧欄亭維舟步上無人見洛化歸潮晚森冥

紫霞洞道中

乍冒南譙雨旋披北洞霞侍中新廟儼兵部舊橋斜逝水銷銅狄荒城廢玉華卧碑宮畔寺王昔演三車

題贈守軒老人

枸杞垂：石竹殷晚晴簾几對孱顏清泉細掛穿心壁翠樹微粧具體山其上雲霞藏洞穴此中風日異人寰主翁宴坐方觀妙應苦游筇數款關

任判書

相元挽二首 代作

矯：踈菴老文高行峻清西河又疑汝潁水不慚卿目就千秋業寧爭一代盟從來館閣用不解貴西京詞賦論文久飛騰梁翰新尋常老阮淚遇子必沾巾冥漠修文久飛騰梁翰新尋常老阮淚遇子必沾巾

陪

上宴北使有作仍贈柳書狀羨叔重茂

蕃客紅頭索袖裘 聖躬均禮侍臣羞皇華卷裡風



流異王會圖中物色倖寸刃兵無終莫試七衣唐有  
更何求荒年貧國那堪命又輦銀繒出義州

送子東之龍宮

齷齪誰知墮此門吾猶自取甬尤寃明時拙宦從妻  
罵荒歲專城亦主恩稍：送人踰鳥嶺察：無友在  
駝村雖逢惠子騎驢至更向何家覓一樽

兩送聞韶李晦甫光朝龍宮子東

聯珠庭下復雙珠山水名邦兩左符筒適應誇大小  
白竹枝曾競東西湖他時神雀誰先致隨處仙鳥自  
不孤行借一麾傍縣去嶺南還似洛東無

送兵保卿赴永清

烏昧持歸獻玉墀九重曾識濟荒規二西凋瘵仍凶  
歲三縣繫雄豈徃時沿郡可依箕子教到官先謁武  
侯祠他年還索無南物人道吳家後隱之

送得甫令赴瀋

民飽秦輸報可輕謝恩纔返又朝正六羸恍惚單于  
處寒騎伶俜使者程灣館綺羅前度尹盛京樓堞古  
邊城須君一副青絨氅共伴毗盧頂上行

送李令得甫赴茂朱己卯

滿越青山畫不如卧仙樓閣本清虛州雄緋玉回翔



處境僻萊灣熱鬧餘鏡水春濃新戲墨赤城霞護舊  
歲書休官早晚依劉去入峽燒畬傍水居

次柳雲卿

三年按譜學彈琴指下猶多不了音夢拜師襄求妙  
解別無方法在專心

上元雨中在直廬偶吟

庚辰

風雨妨人作上元小燈殘暑坐黃昏泥融俠少遊橋  
路月暗田翁占歲村薄宦易成年老大佳辰難得日  
晴暄陽屋細艾猶堪煮霽後須來李氏園

直夜赴司膳同洪伯亮

高米賦

冷官猶幸庇饑隣故紙祠餘可會賓人笑土牛淹道  
路自憐籠鶴困風塵綵生齋印元多暇青敗朝衫未  
諱貧宵去曉歸何事做每愁小吏請番頻

謝思仲餽米

春雨連宵室絕糧主翁清坐細君忙恠來厨下生新  
火隣舍奴歸負米囊

寄師仲江居

黃梅雨歇柳風輕岸上人家打麥聲  
見說湖村長夏興噎鳩飯薦蜜魚羹  
湖田種麥遍膏磽五月黃雲正覆郊  
十斛翻思營少



妾全舟艑肯付窮交

送崔孝伯昌大赴北幕

青油揖客玉堂仙可愛宗之羨少年曾掌詞頭香案  
下今磨盾翼柳營前叅卿別頒金釵隊節度頻要絳  
燭筵十月夷江應凍合莫因行樂廢行邊

君平昔在行營日六鎮天荒一發揮虛唱聲驅東海  
立鹿拳怒碎白山霏山河幾載暗無響幕府于今更  
有詩復恐受降樓上首自君題後繼為誰

健兒裝束馬連錢意氣高生出北邊青海暮涵憑劍  
底白山寒聳引幢前鳴鼉享士霜凝帳格數歸營雪

沒韜十隊金釵兩行戟不妨叅佐日譚禪

李樂甫賀朝挽

卧疾須誰視斯悲獨語吾孰知君奄忽曾念我清癯  
得壽還為感非男亦勝無挽人因自悼除死此差輸

送呂師仲入楊峽避寒

吾既江南子亦東四方餬口不相同何來尚免分張  
苦薄祿縻人儘有功

龍津秋雨濕丹楓月峽帆來落木風舡尾掛壺行意  
速水鍾重九會諸公

次保師聯句韻寄之



秋花錦葉棹前迎九月江程事、清北數喚鷹山響  
應西灘欸輒火分明同居中表團圓樂乍別親朋契  
濶情空負扁舟東上約飢來驅我又南行

六言律又寄

高士邗為主簿山人不起諫官余欲歸耕海岸子方  
垂釣江湍夙誓無忘求志沉疴各勉加餐唯恨東西  
遠別更值風雨初寒

淑明公主挽

主卒前六日 上臨第開  
宴 御詩有踏鳳毛之語

先朝五宅繞天潢福慶偏流第二房玉樹雙抽諸主  
羨金枝盡折一身強輕輿踏鳳絳稱壽寶鏡沉鸞奩

報喪惆悵山池今寂寞笳簫明日葬平陽

次養閒堂假山韻

溪分剝水自歸潭石取他山尚潤嵐楓嶽捲來峯插  
萬蓬壺泥到島維三罔巒甲乙誰輕品體態昏朝未  
悉談何不着吾巖徑裡短童隨後矮驢驂

養閒堂夢梅詩二首

并序

養閒先生燕處超然於一劫世味無所嗜獨不能  
一日無梅如王子猷之此君名品四五盆錯列几  
案間國香清韻相配而為得意友白首耐久共冷  
澹生活者又是妻梅林處士之一生也今七十五



歲之秋示疾頗危屬夢中半體忽枯梗如木婆娑  
一老梅樹也因得兩句語曰悄然孤坐詩翁骨半  
作枯梅未發花既覺意惡之語侍疾者曰此夢甚  
異吾殆不起於是疾乎聞者皆憂余獨解之曰是  
為疾將瘳而神告之也凡梅之古者其壽多百許  
歲皴皮朽身不直樵爨而榮華之意未嘗闕息於  
其間則先生之夢化是木非惡兆也先生之疾雖  
病矣安知夫一線起色不動於柴立綿綴之中耶  
又詩中未字於字義為有待非了語也花未發者  
時到便發則先生之疾亦有待而蘓矣居有間病

果良已入冬頗健能對花進五六蕉葉吾言果符  
而夢亦霧恠矣哉嗚呼夢幻不定物化無方先生  
之夢不為桃為杏為李凡他卉木而必化是者庸  
詎非夙好之篤而相飲之久者耶然則淵明為菊  
斯立為松茂叔亦嘗夢為蓮耶吾將夢三子者而

問諸

詩翁宴坐處侍者縞衣笄南郭雖無耦西湖自有妻  
魔應花着榻心已絮粘泥若比水清老梅差韻格低  
幻體寧比木多生愛此花元來太瘦骨不異半枯楂  
枕上身還是枝南月未斜尋香來榻：又見老南華



次師仲寄兩絕謝送薪米

薪爨青楓米搗霜貧厨自此不清涼  
交情戀、惟須賈喜色欣、有五光

殘碁不斂滿燈前忽憶回仙思  
悄然此夜楊江亦夢我子聲敲破水樓眠

賦假山雪

茅齋夜來雪凍壓竹邊扉莫謂巖山固  
簷前失翠微

歲朝呼韻辛巳

村、歌笑樂新年籬落猶縈爆竹烟  
冰底雪邊春稍入踏青應在下旬前

人日呼韻

柳眼梅梢試覘春細芹青艾已嘗新  
餞歸殘臘年如客賀了元朝日更人風軟  
禽聲皆快活歲豐村語少寒貧清流水暖泥乾否  
從此携藜獨往頻

上元夕候月清流谷呼韻

初昏些子笑雲端樹杪飛昇始露團  
僧懶不開敲磬閣客寒猶立鼓琴壇  
入林棲鳥熹微見倚杖涼蟾仔細者  
忽憶踏橋年少事此宵歌吹鬧長安

清流早春雜賦三首

難待東潭綠朝、覘澗漸漸融瓊的礫仍漾綺連漪



魚暖爭吹浪蒲柔欲吐湄晚來雲影落頗似老仙詩  
暮朝何所事飯罷出清流童子携焦尾先生坐石頭  
天機吾獨樂春意鳥相求從此添幽興新波負酒舟  
呼兒掃溪石問有阿誰期欲待北山隱同題南澗詩  
樵歸谷口暝吾在水邊時僧報何來客騎驢過小陂

谷口晚步即事

柳悅微風夕潭肥小雨餘輕：看浴雀箇：數游魚  
晚響山鳴杵孤烟谷燒畬農樵亦歸盡植杖望村墟

登冬栢亭

山茶春晚絳英鮮無限銀濤古鎮前落日屢跳紅晃

蕩遙洲危失翠婢娟輕鷗舞跼翻空浪蒼屋噓成幕  
島烟還道高天低杳水不知洋外有齊燕

春潮帶颺氣凄寒林下移樽更穩安曲浦波皺鴨首  
綠晴沙花糝鶴頭丹鱖潮不警維樓艦鱸稅初登進  
膾盤橫吹響殘汀路遠夕暉離海僅三竿

自林川乘潮上馬江

晚潮將到浪微澎短艖無帆進水程腥市初離鏡湖  
遠濁江方過石城清紅桃一簇映籬笑白鳥數羣橫  
浦明試問湖鄉魚貴賤尺鱸升粟不曾評

夕上自温臺



沙頭穿柳買河豚駐舫仍尋有酒村官渡歸牛見拾  
笛水樓遲我客憑軒湖山自媚遊人眼城壘空餘故  
國痕千仞古臺王坐處釣翁來穀石猶溫

舟過落花巖上皋蘭寺

扶王故物石三拳背縣危巖最可憐青壁路盤尋寺  
處綠波峯倒漾船前徘徊墜席花如妓縹緲凭欄客  
若仙任爾騶僮勞仔候奈茲魚鳥見留連

燈下檢挹翠軒集浮白欲飲忽失手翻觴正瀉

卷中戲賦

翠翁一卷詩十首九言酒猶有醉魂不使吾杯落手

送趙禎甫

儀祥

監獲郊庄

霜天秔稻在郊稀牛負黃雲入窠扉山徑見窺梨栗  
墮溪梁奴得鱗魚歸倉箱歲計支窮臘燈火宵功逆  
短暉堪笑無田前注簿長安待調只寒饑

松壇秋日即事

空壇霜露感蕭晨松吹颼々墮角巾西苑鴉歸千樹  
夕東村葉脫幾家貧長年褐弊寒欺客九月樽空菊  
笑人多小名園山涌出駱峯秋色獨天真

山家收栗葉堆墀霜後東峯始出奇吾立壇邊方植  
杖客來松下欲看碁居官自笑無三日覓句人嘲費



一暮宦累已輕園趣熟四時於此好吟詩世主簿之

金子益謂余一年作一詩

仁顯王后挽章代作

金穴空恩賜瑤華但悔尤孰如今 大行重御舊長  
秋至德何年短沉痾倏歲周更聞 宸悼切悽惋手

書留

二紀茲哀存 中闈艸體空葵依 明聖教罔卜

翼陵東虛殿蒼苔夕寒蕭落葉風欲知恩顧篤哀慕

有 儲宮

寄舍人從氏宣城謫所

西宮 回輦早埃黃北寺疏囚禹淚滂人謂錢徽犯

關節上憐蘇軾帶銀鐙初起梁獄天沉黑好去宣州

地爽涼應有綠衣為達論此心安處即家鄉

微雨郊村記送行朔雲關雪日崢嶸風濤暮撼宣沙

鎮水月宵明曳尾亭遷客不須愁嶺海舊人無幾在

承明蒙恩早晚歸陽羨已買湖田待耦耕

雪後謝師仲禎甫持酒來宿

初昏籬落雪微皚門外提壺二妙來燃桂厨中無宿

肉散花窓裡有寒梅山壇天冷休辭醉駱嶺參橫始

遣迴今日卿曹知是水新詩壓倒倚樓才



疊前韻

白戰詩鋒獨窘，體生兵更怕。沈郎來雪堂，不飲猶歲酒。水部雖忙，豈負梅冬暖。齋醴容我，斲夜深。官燭認君迴，通人自困公家事。長暇天應餉，不才

雪後畏寒不涉園者，數日致鄰友來詰。

故人朝致訊，為懶為飢。卧何事松壇雪，無君履齒破。

送洪伯亮宰洪川

壬午

三司凡吏忽登仙，領取洪厓古洞天。紅腐久埋倉部帽，碧漸初漾使君船。巖房賦急黃蜂鬧，水檻衙稀白鳥眠。山縣養痾吾計左，漫輸清福屬君邊。

次五峯贈僧韻寄禎甫寺棲

頭顱未變秀才初，堪笑吾儕浪讀書。烟帳不應眠夜半，牛衣誰問病旬餘。時文套裡慚為蠹，經訓咀來勝啖魚。煮艾看花東麓事，及今歸社莫相疎。

次光城集中韻寄舍人從氏兼送兩姪行

逐臣何處儗民廬，林畔枯形澤畔如。聖善平安差可慰，兒郎趨省不遑居。天低灣塞投窮鳥，水暖扶蘇上舊魚。誰主癯川新講社，自同諸弟課詩書。

陪兩叔父遊李墅次姜兀韻

天地吾無可愛廬，每來心醉此君居。山樊夏晚綠陰



老村圃雨乾青蔓踈隱處何妨近城市閒時容易命  
巾車置園霧壁知深意緬想坡翁卜築初

朴生師聃挽

有子佳如汝吾常羨乃翁成丁天忽奪生卯命終窮  
泉下埋竒骨人間立隻躬遺胎能護得庶養白頭公

同頑甫子真造西溪宅謁清寒子祠覩遺像翌  
日入曹溪洞瀑流得夜雨甚壯依晦翁畫寒亭  
觀瀑分賦事於崇山峻嶺茂林脩竹清流激湍  
映帶左右二八語取平韻各賦

尚書何在問村童遙見茅齋翠木中塵界十年瞻紫

氣溪堂六月坐清風雨昏華頂歸應濕瀑掛祠前暮  
未窮更仰梅仙高絕處東峯千丈不為崇

曹溪一滴漲為瀛入洞初驚萬鼓聲急雪舞來釋迦  
嶺白波吹濺步虛楹四時有態潦常怒六月無炎境  
過清十部笙歌爭水樂退房僧在說構坪

同頑甫出孫家莊覓可居地

武陵溪路接青門雨後風泉處噴瓜蔓豆花綠岸  
圃石垣茅舍背山村漾西種果方依朴潭上謀田價  
問孫若使茲丘粧點就不論城外數名園

呂鎮安師仲內挽



吾咸妻弟故人妻慣識溫襟玉映閨初拜相公稱舌  
噴同居大祝敬眉齊無諱筵席看精辦不妬門闌絕  
勃讎可識仁風由內助邑氓皆為縣君啼  
離軒啓路巷喧闐隣有黔妻望若仙營奠未償燒葉  
日悼亡還在種花年遺衣檢送衰孃哭旅櫬扶歸弱  
息憐遙想郡齋杪秋夜使君淒感不能眠

子東為渭陽設壽酌有詩次之

甄都官罷橐無裝羊酒歸村壽渭陽齊插茱萸門內  
集獨簪香桂席邊光使君半醉能先唱阿舅雖衰尚  
十觴此是賢甥移孝處羨譚應聳漢南鄉

清流講堂分韻得重字

又聽清流飯後鐘居僧應恠我來重苔封坡老曾題  
字石古愚公舊徙峯林聲吾鹿身事足省臺君自宦  
情濃山扉月上歸村好且却藍輿杖一筇

雲卿送詩責失期謝之

偶伴山公醉翻遭溪友嗔始知前夜月同鶴候溪濱  
清流書齋夜集呼韻

疎林度盡得溪橋此路尋僧却不遙村醪相過逢舊  
社山歌慣聽有歸樵模糊欲雪雲容變浙瀝添漸酒  
力銷祗是清狂除大半其餘事宛前宵



尹吉甫

錫來過妻葬還京詩以送之

莫作摧殘半死桐了緣猶有講空詩  
情詎減閒愁裡悼念須拋淺醉中  
此夜盃樽初對雪新寒床篔不  
禁風明朝泥澤蘇沙路一騎應隨獨叫鴻

清流歸路為馬墜田泥中荷子東送紫露酒壓

驚

溪翁不免塞翁灾靴襪霑泥婦女咍何必諸公走馬  
問也煩仙令寄壺來春風排雪初歸颺曉露蒸霞欲  
灑腮折臂為醫吾有戒亨街君早勒銜廻

養閒設酌次岳丈韻

暮年詩不退江淹似舅風流更有曇杜曲池塘中表  
集韋家花樹弟兄酣霜韜已載山公去晚席仍留齊  
贅叅欲占湖鄉豐歲象數腔村唱雜農談

子東但耽一時之適不慕千秋之業有才不用  
而昏冥之逃此余所以累歎深惜而欲拯之於  
拍波中也彼方高述酒德妄詆詩聖至謂子  
美不敢與八仙作對定是醉中囁語可笑可笑  
當時若無子美一篇則八仙酣態安能至今如  
生此一籌自合輸與詩人噫文章真味比米汁  
果何如耶子東試嚼之余之不甌肥正坐腹無



詩耳緣詩而瘦余未信也酒之生禍恐不止於  
瘦而已東乎戒之哉

莫恠吾詩出吻淹竒昭元自久蒲曇隻聯得意令心  
醉百盞收功僅面酣陶謝門中唯我入阮嵇林裡任  
君叅飲徒正得文章力解道張顛與遂談

草堂雪後獨賞東臯携雲卿適至要賦五律

高窓看雪立風獵白綸巾暮景鴉雙點高原樹半身  
竒寒無近日爛醉憶前晨唯有東臯子同余此趣真

清流書齋雪夜呼韻二首

暝色終分馬誰來暮渡溪山寒樵絕跡崖雪虎留蹄

淨界偏知路青雲不借梯行藏上人笑詩老宦何低  
時逃東社開偏就北菴幽比雪明觴礪踈星動講樓  
鑪紅山客擁觥白使君浮自笑貪看月寒宵起攬裘

養閒賞梅醉後呼韻

晴窓斜影曉依微此境傳神有去非獨立西湖清淺  
處不隨富貴入羅幃

夜酌呼韻贈子東重赴完山

淡靄林邊不辨汀溪村數屋績燈青頑陰故作連旬  
雪豐歲元無三日醒湖縣重歸為惠雨江天高卧伴  
寒星今宵坐筭君行處車覬南踰宿廣亭



重贈子東

高人疲吏役琴鶴亦念之  
地遠湖山外盃踈簿牒中  
北枝登嶠白南雪放衙融  
公退題佳句應傳馬耳筒

又贈魚屬師仲

時師仲送錢  
助辦寒衣

何與諸君事辛勤念罷官  
裝衣還累鎮送酒每徒完  
少醉思朋會竒温軀國寒  
平生閔仲叔今悔嗜猪肝

清淮驛舍曉起書懷寄子東

冷官初起雪壇翁又報東  
學上大蓬好踐清華裨  
聖主豈堪微賤侍東官  
寒天馬度湖城北殘夜  
鷄鳴水驛中燈底思量真  
可笑半生行役了何功

次徐台寄季父韻

癸未

蕭條晚詠寄東學老樹懸  
崖屋不牢無恙兒童遊  
釣處瘦川如帶振岡高  
先生不愧號東岡一壑  
歸來得善葺休道釣舟  
沿沂窰門前潭水百弓長

南院店分送禎甫何馬耳師仲任所

新柳搖湖村日斜瘦馬去  
前登古驛亭此別師仲處

鄉寓病中偶吟

夜來又聽打花聲  
大手雨無三日晴  
軟草悅牛溪岸  
綠新秧隱鷺野  
波明卧病情況  
鷺添惱須祿生涯婦



勸行君話安城翻起色春山紫玉滑宜羹

病中聞養閒丈携酒入南谷賞桃花而歸

桃紅不及老人顏酒筭多於點地斑巾角折蓼渾狼  
藉籃輿晚載醉仙還

病起遊西礪分韻得晴字留贈諸人

病中西礪綠陰成起色初騎蹇衛行杖底挑壺諸友  
至水邊鋪席二僧迎殘英茂草春如夢暮靄朝霏谷  
不晴相送臨溪慚數：又牽官祿向京城

林禮卿世恭挽

孤女初歸壁潤郎親家翁事我聞詳教兒亦用庠饗

式迎婦常禁時世粧姻好交情橋畔宅死休生濶海  
南鄉未成歸省還迎喪可念吾家第二娘

家園捨栗戲題

高秋栗下踏成蹊老子隨人亦杖藜薄暮傾懷知幾  
顆忘饗歸遺草堂妻

鳥飛風動落無端離殼難留脫手化仰面貪看危墮  
處不知全側接羅冠

西溪朴公世堂挽代作

忽典朝衣買具牛六丁難挽一回頭仙家賣杏當卿  
稗村塾培材待主搜田父相從忘八座世人何意怒



虛舟嶺南不死山中死 聖渥終於此老優  
吾儕猶在急流中每想遐踪面發紅 顯廟近臣今  
盡沒清寒舊壑更應空是非後世應知我出處東方  
獨有公水落羣巒多刻削最高峯認主人翁

洪永川子翊 禹翊挽

閩謠唱入錦城絲瑞石磨為攝守碑好趁鳳凰移穎  
郡底依猿鶴滯羅池民攀廣柳連村哭吏與腰章度  
嶺歸共惜年荒賢宰死付誰蘇得兩南飢

雪後登松壇

貪看松上雪曉往不遑憤先我而誰來壇邊有鶴迹

直廬占四絕句示諸僚

春坊細話夜分還小胥篝燈引兩官已道桂司清徹  
骨雪萃何意曉添寒

書借鄰坊懶不看投壺還厭失聲乾猶然月賦湖倉  
米 聖主何曾負冗官

鐘鼓樓西地最偏打更常聒冷官眠喚為雙寺依稀  
是南院經聲北院禪

千牛刀仗宿環廬迹遠無由覲 聖儲宮講退來時  
借問鄒編繹後進何書

次下番韻戲詠司中即事



出番要速入番遲司吏居間費請辭扮作武裝逢客  
笑強為官樣借僑馳閒時課業壺穿耳每朔勤勞壁  
畫眉從此桂坊生一事侍童持軸白賡詩

山園雪後喜禎甫來訪

月上駝尖時有懷其下友那知長鬣公披雪到門久

趙上舍尚鵬挽

皆謂吾宗有倚樓共嘆庭策不收劉清高世閱先廬  
弊寂寞身名上舍休諸友以錢歸孟氏孺人無被歛  
黔婁春來欲結同庚社堪恨尊前失勝流

桂坊次李僚韻甲申

栽花兩見桂坊春花與宮官面不新薄宦漸知閒是  
味羸形誰道病非真蒼苔上砌稀叅吏紅日過甌待  
替人何事欲移忙熱處此中好作自由身

暮春直廬漫吟

點：宮花度敞垣貪司尔染暮春痕日長喜倍投壺  
課風暖思霑 賜扇恩誰笑直廬移卉竹不妨閒局  
長兒孫近聞 太廟當陪 駕好製戎衣待佩韉

鄭從叔震平挽六韻

我妣諸中表今誰在嶺鄉唯欣鄭谷口無恙曾露光  
尊屬寧殊舅孤生早失孃訊書終墮案函問忽霑裳



才惜窮廬死名還處士香嶠南仍地下離訣恨俱長

次陪 祭大報壇韻

誰人孟麥祭唐明天壽愁陰結不晴邦到于今恩使  
活 帝曾茲歲義捐生奠依醮祀瑤壇淨霧似時巡  
靈馭輕無所報功猶眷： 聖心元欲樹風聲

清和之望小集山園以半山晴日暖風蒸麥氣

綠陰芳草勝花時分韻得風字

松壇急掃走家僮客自東村許過翁黃鳥啼葳初密  
葉木犀香送細扇風多情行榼携春醞不腆園畦薦  
晚松若道排當真草、何君冠落笑兒童

過禎甫見其種圃有作無示保卿

高樓樹色裡偶坐者誰耶自踰小園叟時來老圃家  
晚涼驚透葛晨雨喜沾瓜景昃煩留款甘醑亦勝茶

題李邦彥正臣祖母夫人圍枕小屏畫八幅

卿雲蔭翠篁朱鳥雙停峙請看掌綸家有毛皆類此

右竹裡鳳凰

蟠桃結碧嶂下眠蒼猊獐獐來作孫子桃獻大夫人

右蟠桃樹下棋獐

霧物息相吹年多盡欲活支床奉令人百歲生玄髮

右海上噓氣龜



衣黃者欲往湖上之青峯呼僊不可緩埋燼雲溶

右湖上黃白二鶴

數疊珠樹崖知甬背上嶼如久釋負嬉却恐山漂去

右海畔三足鰲

桃花絳欲然草色嫩可悅一頭黑牡丹其間好點綴

右緋桃下青牛

三秀食松下猶為口腹累未如雪衣者雲海有去意

右嚙芝看雲二鹿

松蘿雖掛絲恐不受羈絡安得一隻騎驀過天台壑

右一立一飲水二鹿

送朴端叟再發赴盈德述家先故事

吾祖當年奉板輿此邦無恙火兵餘仙樓謫住曾誇  
白台府登來尚憶滌黃鶴先題今讓甬青氈好護倘  
還余新晴曠帙翻生感故紙猶多撫吏書

十年同薄宦等是綵衫貧今送君為吏邢禁鬼笑人  
舟軒隨渾舍碁酒罷比鄰喜得廉能守山吐告復銀

所處當暑壅熱穴北壁安牖通西北風三角東

偏三四峯亦拱列于前為題二絕

每笑前人拙為軒也背山今朝去眼障風景頓生還  
清風非索價本待北窓開不速三峯色仍將爽氣來



重陽後四日與諸友步出安菴晚飯分韻得花  
字

官坊休下卸烏紗走趨城東有栗家寒水陂塘初割  
稻薄霜籬落尚懸瓜相留野飯煩燒芋莫笑村醪強  
泛花何事先生戀首蒼應無負郭一汙邪

叔父久疾新減季父率諸子侄進酒稱慶志喜  
門闌喜氣暖排霜阿大中郎體復常籃筍暫回臨晚  
席菊花齊插集秋堂初筵協律來携伎半酒尚書起  
進觴要識家風孝謹處暮年君實奉兄康

十四夜聞諸友就國安話別以病未赴有作

佳月將圓夜如何雨妬明遙憐郭東集更送嶺南行  
人盡秋來散參應醉後橫能無落莫否贈別幾篇成

送金國安移寓密陽問舍明農

萬卷難為活經惟帶相牛全家踰烏嶺結宇傍南樓  
粟可封千樹魚須種萬頭藉君囊底策吾亦欲東遊

送禎甫往湖南謀印先集

湖山隨印局萬紙賣耕牛可念經營苦唯憂泯沒休  
有文雖兩漢無子豈千秋記昔吾良在知玄不後侯

金同樞 坡挽

化日私公不薄虞熙朝八十八年軀偕衰婦却重牢



扇最少兒懸再甲孤壽蓋幾因畿令舉金腰尚倩侍  
郎扶儵然適去猶餘憾里社于今長德無

尹惠甫

志和挽

尚憶東家爛醉場每朝吾不識杯鐺談諧酒後鋒穿  
的才慮紛時穎出囊開幕竟淪前太史夜臺新補一  
文郎風斤縱在于何斲可惜空山惠子歲

桂坊同下番守歲

清司守歲無盃酒同舍要歡設局碁得侍 東宮寧  
恨滯不眠萃省為嗟衰踈鐘數漏催晨響淡雪輕寒  
換序時三考散官何事最每當除夕有新詩

后溪集詩二

豐壤趙裕壽毅仲 著

時敏堂陪元朝賀班有述 乙酉

非關守歲怯天明拂曙 銅闌起賀正雙闕乍分清  
鑰響八軛齊進凍靴聲宮臣引仗飄青繖閣老回班  
燦火城韃弭鹿官何事喜首春 筵學倍新程

尹政丞

趾善挽代作

質厚皆稱漢大臣名全終作宋完人憂時謹議頻衝  
口處散危機不到身黃髮弟兄俱富范白頭夫婦再  
朱陳如公壽祿吾何哭所惜今無宰相真

洪知申受疇挽



宜諾才淹簿牒叢詞垣寸地不盛公重登鐵嶺疑天  
上暫長銀臺似夢中太瘦應緣五字好晚亨邗直半  
生窮忍言垂老題崔痛終與香山事同

貫之詩句耘之畫公乃兼之不讓頭自得草龍三昧  
妙長深花鳥一春愁峯巒晚弄元章石風月曾題沈  
約樓飛鷺亭前烟水色主人亡後墨蹤留

餘論偏蒙說項斯鉅公知己更無之詞場每厭脚拳  
老奕陳常欺我手早文藻已空壺裡宅墨痕誰補畫  
中詩阮村南北人餘幾向哭賢咸淚尚滋

設宗會於岳園敬次叔父韻

欲講韋家集齊來岳老園盤羞貪有具觥紅醉無喧  
鷺答吹簫樂花黏祝壽樽林間眾瓊樹爭及謝郎繁

月溪舟中示師仲

十年塵帽濯清灘鷗鷺翻將生客看洛下波濤驚昨  
險江干風日覺今安平燕鳥度牛川杳落日帆通月  
峽寬更喜君莊深處在翠巒青木兩邊攢

洪生啓英挽八韻

莫說爺孃愛交親共譽之已稱千里足曾賞八齡詩  
冠玉年方壯生花筆愈奇鬼嫌文考慧人殺衛郎羸  
薄欄奴才子虛帷哭少癸修文隨從祖傳業待呱兒



添燭無窮夜風燈十九暮吾何壽居實三疊有渠辭

乙酉除夕拙諸友守歲皆老懶無應者初昏就  
頑甫甫亦眠於內獨其督聚三五少年正飲譁  
強坐至半宵而還吾輩之不競可哂

已稀守歲伴行入少年場白髮叅新輩紅裙笑老娘  
誰知湯餅客今共屠蕪觴莫恠衰如許茲宵不禁當

丙戌元朝試筆得咸字

守歲何煩過阿咸賀正羊酒典朝衫誰家驅鬼頻搥  
敲老子歸窮獨引帆粧點新年人帶醉洗融殘腸雪  
咸零今秋一稔天慳否 明旨憂民發至誠

送許水部琬記馬黃山

丁卯橋頭老水郎一官殘驛退黃楊詩人留落元如  
許厩吏婆婆娑也不妨竹裡晚衙廝養列江干春洗驪  
騏驎全勝荒歲諸銅墨公責民憂日忙

送吳保卿監賑嶺東

九郡蕭然八景荒分臺徃哺繡衣忙勉須活浙希元  
晦母但遊淮效孟陽蓬海泛舟移白粲鏡湖回櫂卻  
紅粧侍臣也識 君王病除是民蘇 體自康

金秀才始煜挽

短檠黃卷事辛勤深夜書聲隔巷聞七種遺經三萬



字齋歸惟博一修文

舟遊三江次杜携妓納涼韻

晚風巾欲落春日帆俱遲江濶桃花水鱸肥穀雨時  
漁村仍買酒遂舫更徵絲向夕湖山態皆為畫裡詩  
楮島游汎分韻得湖字

漁村遣艖小如鳧買酒罾魚待餉吾躑躅花來舟過  
島櫻桃籬窄屋臨湖童巖晚遂春風送鷗榭歸帆暮  
雨俱晝盡溪中浮玉峙三江得及此間無

斗尾挂席至牛川過申相石湖亭

丙戌

船尾春旗颭欣逢入峽風低回失石室安穩度龍宮

野曠青巖口江來翠島東湖山歸相府何處着漁翁

簇灘舟中望申東淮舊樓

山水似西子主人元粉侯錦粧青玉峽簫韻白雲樓  
藻翰風流盡鷗霞景色留遲回晚眺好湍瀨任膠舟

過楊根縣望龍門

老溫東沂減盤渦縹緲楊根在伐柯山縣十村饒戶  
少水程三驛惡灘多江平月峽欣初出帆疾龍門恨  
瞥過薄晚南風知雨候小虛人買綠漁簑

清心樓

葵 聖衣冠第一州江平山遠有高樓雲生孤石時



騰馬水落遙洲始辨牛太守常衙朱檻閣來人初捨  
碧簾舟如何四壁懸詩少牧老鯨喙在上頭

題漕判舟閣

十艘啣尾發忠州殿後青簾漕判舟葉上官家無信  
地鏡中騶導有輕鷗程：護鷁喧灘戶頓：供魚自  
水郵縱願米綱還不俗壺觴隨事見風流

過神勒寺

舟過馬巖口樹杪出東臺白塔前朝立清江上峽來  
晨鐘搖客舫晚渡喚僧杯風水前途事停橈問萬迴  
朝沂孔有愁灘

舟宿烟江雨不聞曉看青嶂滯餘雲有愁灘畔篙師  
喜新水平湍恰數分

上延縣日長豐途中

千峯變彩向征鞍東峽新監始上官幢旆影穿紅樹  
出鼓鐃聲雜碧湍謹衙叅禽鹿民元少產有雲霞邑  
不殘解作清詩酬此否他時優考注應難

次李太史整鳥嶺韻

桂州峯拔地斜谷樹叅天剡雉荒城在盤蛇一徑穿  
嶽蓮寒不墮崖葉醉堪憐誰與茲山敵清雄太史篇

陽山寺與咸昌倅李達甫

明觀

分韻得人字



使君消息遇僧詢云有雲臺獨立人往去應愁山色  
暮後來還被瀑聲噴回藍小寺燈初上披氈東樓雪  
政新若覓吾曹同過處掛餘雙印石嶙峋

雙溪華叟巖同思仲往訪

丁亥

青峽斗千丈幽潭湛一盃巖空華叟去亭敞醉翁來  
晚飯銀鱗入歸軒紫馬催山容暮逾媚如別美人迴  
白雲臺與思仲觀雨後瀑仍送達甫還縣

幽閒官舍似巖樓杞菊厨清日啜齋手板拄時山更  
好肩輿往處境皆佳淙亭醉醒誰同樂盛郡沉升不  
受懷別有使君功德事瀑亭新架老湫厓

次思仲韻

老槐陰裡郡廳扁衙背歸家鹿入庭民物淳龐宜傲  
吏溪山清遠有名亭不教里正征畬布時見林僧餉  
藥苓一事終當輸我境白雲常界嶺峯青

覺淵寺拈韻得放翁山寺詩次之

秦餘物色問何村復有招提隱石門拄杖看山渾翠  
靄驅輿到寺已黃昏壁昏夜照馱經馬林響時來獻  
果猿醉守清狂僧見恠佛頭翻酒有沾痕

次李中丞

箕洪

山庄壽樂亭韻

熟知真樂在其中泉滿秋山日自空峽險難窺盤谷



窈源深未見石渠窮青：只麼元同體決：如斯詎  
息功無意半分歸地主恠公全占華西東

次東坡廬山漱玉亭詩

戊子

巖峻水清駛漂石生雷風暫為紺色湫中安玉鱗龍  
何事飛出來掛腰於高空下飲欲盡潭直搗常殷硤  
濺：白鷺沫偏灑屏風東太守臨觀處誰起巋然宮  
叟作小漱玉人笑儼長公寧知醉翁樂惟在山水中

三仙巖

羽人元自在丹丘况有霞標與瀑流一種巖崖三窟  
宅不知仙在某峯頭

寒碧樓

舟到屏山曉霧開碧樓檣外露崔嵬湖心綠草分江  
遠檻內青蘋出穴來丹洞仙多時過去玉堂人下此  
翔徊客歸襟袖涼猶在云自凝清一宿迴

龜潭

己丑

仙俗關頭玉一峯退翁丹字勒西封舟行明鏡十餘  
里岸夾翠屏千萬重太守上官初跨鶴三仙出洞或  
騎龍江山信義何須羨我有飛來一石淙

時呂師仲  
以新及第

郡上

島潭



三拳霧壁挿清江玉筍雖奇子未雙舟窟潛波通地  
肺石門斜照洞天窓雨潭風月歸仙吏一曲湍瀧媿  
陋邦雲綴太清元自好謝公前論不心降

劍湖舟上次忠牧韻

江上危巖似落花廟前青草界晴沙也知山水生忠  
愍于此厓灘避士萃先輩風流空故宅使君來往有  
浮家聯舟龜島前春事却喜茲遊適及瓜

忠愍林慶業謚厓陰

厓灘叟

陪兩叔父小集次仲父韻

諸父光臨并蓋軒官庖不腆具杯樽久離中表團無

缺列坐東西醉不喧拙舞郎當人拍手嬌歌宛轉客  
迷魂蒼顏未頰餘醪在更請留歡到日昏

豆浦遇忠原使君同時發船

忠船先發次延豐起柁喧聲箇箇同憐水遠迎君艦  
至龍湫應待我行東雄州送酒時搖槳西舫搜詩畫  
閉篷元白向來如此否水郵終日吏傳筒

子真浦江村即事

臨江茅舍午時鷄豆菜蕎花岸路迷船尾鱗之魚籠  
寄田頭冀婦盪筐携舟厨晚飯如行越村靡春沽不  
到齊欲揀水亭幽處憇釣臺西畔老槎梯



雲卿欲居漱玉亭傍有所述次之

天藏荒谷待愚公  
甫果携家來瀑東  
卓錫仍營巖下屋  
無瓢應厭澗邊風  
胡然坐我簿書裡  
不分置君丘壑中  
莫漫笑他塵吏態  
買山成隱亦吾功

九日雨中書懷示雲卿

黃花微濕雨濛濛  
九日端居郡閣中  
吟詠漸疎綠興倦  
訟爭稍簡覺年豐  
詩人從我惟襄廸  
太守為誰似謝公  
強欲登高無那病  
獨教君去看巖楓

丹丘倅師仲以課士事來積雨亦自京至同舟

遊劔巖

庚寅

碧瀨如環劔夢駢  
丹仙讓置玉峯前  
陰厓宅廢仍祠廟  
白兔公歸有洞天  
官罷欲營廬岳舍  
橐羞難買鉅潭田  
源頭佳處復幾許  
日暮舟回還惘然

翌日同舟上清風宿靛清閣是夕驟雨甚爽

晚上靛清倦欲休  
檻虛猶似坐扁舟  
寒飈六月生丹穴  
急雨初昏洗碧樓  
三絕自高滕閣價  
十無應有墨池羞  
何如在此過炎熱  
君說龜潭却擺頭

清風古有十無詩

第三日上龜潭宿玉泉庵

霧真窟宅有僧藍  
一徑松間捨筏探  
環寺諸峯皆玉筍  
注筒飛瀑入龜潭  
仙舟幸共三人載  
佛榻同聽四



郡談不識丹丘最佳境只緣身未到茲庵

還峽日與中原諸寓公乘舟遊劔巖次滄溟韻  
急漲前宵打峽開官船無事越灘迴江山最勝溪翁  
廟洞壑逾寬范母臺縛屋誰先潭上住同舟人並洛  
中來使君便欲於為老其官吾民借鈞隈

病中次雲卿

歷落崎嶇可笑人友朋相賞獨天真山中作縣聊翻  
口洛裡無廬可庇身忙署文書多錯誤病哦詩句少  
清新官爐已打鋸三事省谷歸耕及早春

沈生

銜挽辛卯

嗚呼觀生狀略孰不法然而悲之其才與行如此  
自可不早埋况有其大人不盡之祿以與之而卒  
無祿而先死是何理耶兼行母事養成佳器竒愛  
之甚照顧之勤吾每面歎一朝失此其何以堪吾  
故不暇悲生而哀吾友之老而愈窮也索挽之題  
體無狀行豈以無年之人非誅不顯故冀朋友之  
揮闡之耶詩雖拙退亦極吾悲惻之旨云爾  
無母見啼父哺飴抱為慈姆教為師看成進士無多  
慶送作文郎不盡悲龍老拋珠空有淚鵲來營外又  
亡雌庭生瓊樹猶旋折莫恠天慳桂一枝



八詠樓中小沈郎延州老子怯逢場伊翁不做庸何  
恨是子無殤故未量潭府新哀應撥酒槐柯舊夢劇  
炊梁還渠漱玉詩三幅此乃遺珠可善藏

歸晚庄成請早還本知翁意在山間見旋不待已埋  
土翁果晚歸誰候關定向竹阡依聖善獨憐桃谷有  
窮鰥空林寺下深：洞永作悲翁望子山

次寄龍宮韓使君

中原相遇兩襟開劍峽同遊一棹迴歸日駐驂銀瀑  
榭高秋留約白雲臺君為民吏挽將去我被溪山勾  
引來莫向縣齋尋太守除非山裡即溪隈

次林學士象德應製帖韻

澶淵天子莅戎行學士追成退虜章紫袖評詩留  
御座朱衣宣旨下湖堂三場喫著元非志七品貂蟬  
也不妨早識潘郎從總角婦家今日與榮光

辛卯之嘉平月湖南按察李君子東卒然捐使  
府其友趙某留滯中原又以其月哭老孺人哀  
不能文遠未命駕既闕焉無一言於君大去之  
日而所求來挽幅亦漫置故紙中尚未浣送非  
敢忘也既還京師稍集神魄屢成七言律四章  
始於既葬之越四月替文讀告兼奠一盃



交兄不願識餘人兄亦憐吾一往真不飲猶深劉阮  
契忘言羞惹觸蠻塵青雲自遠常懷舊白首同歸戒  
若新潔峻風標貴重語今來何處見元賓

半世酣沈翰墨場晚承三父上湖堂俄揮百紙無凡  
口恰受千鍾有別腸俠喜鳴為仙客笑次公醒許飲  
軍張過時哀挽霧應怒已識吾詩不副忙

雲卿歸誦岷山詩近謝盃鐺整接羅滄海助來鯨力  
壯天池浴出鳳毛奇元來瑞物難留世自古宏才鮮  
佐時無乃淵明真止晚杜康終壞廟廊姿

湖山萬室哭雷謹露晷光輝遽閉棺上待子瞻歸翰

職天徵長吉補真官飄昇幢節三千界咽愴笳箫十  
二灘嘗謂君詩妨命達不餐烟火太清寒

俞持平命咸挽

吾儕五十悼無成却喜隣娘免倒縋白簡方承先大  
憲丹旌遽寫右持平早如止酒應無死晚始攻詩已  
有聲臺省即令人厭似君精彩沒猶生

次家姪憐倅光命與金三淵酬唱韻

君地有雪嶽得三淵為之民又有往來唱酬之事  
吾漱玉六年所無也傾想之極輒次其韻却寄兼  
屬韻主



聞君治內逸民存造次安能致偃門須辦筍簞三十  
座論詩諮政去源

口呿難聽但相看風霹傍轟一百湍此是三洲山水  
樂人聞甚苦子偏歡

赴歙谷道中戲吟自慰癸巳

六百供魚戶猶云縣壯哉如聞太守坐多在侍中臺  
朋友歸仙分朝廷謬吏才之官有底急徑欲入蓬萊  
楸池嶺上東望有海無地

迢：楸嶺地無前頻視滄瀛但渺然九郡諸官棲底  
罇三韓東境盡茲偏稍排邠島波光迥忽出通州野

勢圓未意嶠溟窮絕處復開平穩一山川

侍中臺

晴沙界海鏡光分七島羅如點綴雲粧抹此宜西子  
比鯨鵬傍蓋北溟云難辭仙字歸湖長不分臺名冒  
院君公事自無機亦靜海鷗何意起紛

叢石亭

四郎當日架樓居樓碎仙飛舊礎餘留柱不歸南石  
鶴認門時點北溟魚諸頭六面工相似萬古千秋立  
自如好向宮池承慶會豈應長作海儲胥

海山亭



千峯擁郭大瀛環縹緲樓成臨海山重以南江一羅  
帶縮來東島七螺鬟官疑昨俗今仙際境是聲詩活  
畫間丹字寫歸元駐此松翁虛覓永湖灣

又一絕

平吞八景壓重溟色、鋪舒大畫屏松老舊詞人膾  
炙不知全漏海山亭

三日浦

不識天地大平潭萬頃寬海松姓自翠仙字老逾丹  
蘋沒遲回棹花圍縹緲欄鸞驂如再降應覓舊題者

丹書

丹自金爐點鑄應石鼓先四仙留六字三日當千年  
雲護常如蓋苔慳不上錢誰題凡姓氏唐突述郎前

舊寄權汝柔絕句題後

東海居人屋枕濱常時銀闕見三神明春欲決東行  
計須報權君作主人

此余丙寅秋寄汝柔小律噫曷為而留至今也以  
今視丙寅多九閏二十八年而吾之詩猶未化則  
減乎二十八年者可知已人孰甯二十八年存之  
乎且也二十八年幾一世而汝柔之無都下信也  
年又如之則其尚遊戲海上初未能料也不自意



垂老一邑符始辦東游比壤蓬萊乃汝柔鄉公牒  
至郡首問某安否則君固無恙而已俟余於三日  
浦之舟上矣偃然一老儒尚識其為前日權秀才  
而袖中一敝紙又見吾少時塗抹則恍然若悟前  
生也然則向所謂不可必者今皆可必茲非幸歟  
其曰銀闕三神者以君之居蓬萊而漫言之也欲  
決東行亦壯年輕勇語耳况指明春者幾一世而  
不來則其人不足待也而是區區者君猶不拭涕  
棄之而留作左契必待三十年不相聞之人出而  
證之嗚呼衛公為霧君豈有前知耶遂與坐四仙

之榭游七星之溟又將挈入楓嶽窮衆香之覽襄  
晚海山之遊果不別人作主種：奇緣似若天所  
湊成而亦由此二十八字媒也詩雖拙而見留於  
君有以夫摩挲殘潘便欲享之千金

仙顏遇君三日後凡詩認我廿年前人尋銀闕何遲  
也墨與丹書尚宛然奇事始符文字識此生終了海  
山緣石泉槐火先徵句更訪參寥話夢泉

寄題權處士絳七松草堂

東方有士不完衣仙佛鄉中慕仲尼舊識索遊孫學  
究今逢講禮戴經師柳祠秋鶴明年降程坐春風一



月歸何苦閉門滄海上白頭期奉兩公梨

蓬瀛佳處問於君笑謂吾廬有七分春到江渾榆岵  
雪朝來氣是栢田雲述郎家境仙舟接無竭宗風寺  
梵聞更道讀書多在此湖光山綵染為文

洛山梨花亭觀水城妓劍舞

翠羅袴褶暗藏蓮脂粉叢中出劍仙奇技試抽玄女  
鐔細聲休奏素娥絃恒沙夜白揮銍內碧海春寬舞  
袖前安得揚娘鐵槍手梨花亭畔對翩旋

太平樓贈主倅沈耆叔

壽賢

襄陽樓觀似東陽太守為誰又沈郎清漢菊醅欺白

墮大堤花艷勝紅粧纖歌慢舞太平樂緩帶輕裘儒  
將裝今日岷山還我輩風流不必姓鄒羊

紅粧古江陵名妓

自岷山冒雨投水城與主人金士敬

時保

同賦

仄字

未了東遊使牒催自稱仙尉恐人咭鳴穿驢足汀沙  
碎灑濕鷗裳海雨來洛寺扶頭觀渾舞平樓軟脚有  
深盃蓬萊晚入緣何事列牧相留不遣廻

內水岵

過盡危橋渡淺灣僧輿穿入檜楓間平：鴈岵如無  
骨落：盧峯始露顏巖嶂列成羣王府海濤傍湧萬



銀山到茲地位方知別此乃蓬萊第一關

萬瀑洞

萬二千巖各滴綜合為轟瀑觸爐峯雷霆臺怖雙青  
鶴雪零潭噴五色龍金地無蹊唯鐵鎖玉山河水不  
珠吞飛流濺沫從他怒只恐蓬萊字滅蹤

正陽寺朝望

看山早拓歇惺擣萬瀑初驚客寢醒晨暗尚分微霰  
色日臨全露爛銀形登籠高頂烟雲黑點綴千崖檜  
枯青僧道楓時官可過玉圍紅錦更娉婷

旃蹄合江亭二絕

朝：鶴林齋殿見滄海大不及君地有清江兩條帶  
太守雖開印山民不造庭肩輿翠松路但往合江亭

金敬明 昌緝挽

石室諸生半在門圃陰師道不慚昆韋平庭內巢由  
志漢魏書邊洛建言顏子生涯還有樂偉元情事早  
辭尊嘗聞賢內清貧話無價難營一栗園

乘舟遊叢石 乙未

肩輿踏盡紫棠洲吏告前吹已整舟雨罷故留雲暫  
綴風和解使海安流岵嶢建柱叢峰出縹緲成樓外  
島遊日暮笙簫亭下過得無人認四仙不 嶺東人以海上沙崖



為吹外島乃海中一頑山而風日佳時則  
必舉飛舞若蜃樓之狀土人謂之島遊

### 復遊侍中臺

鶴林眉目在茲湖。長何如古姓蘇兼管海山非地  
少替衙魚鳥為民無花臺粟嶼紆回遠松翠棠紅點  
渠俱日暮烟波淼江谷又誰新寫輞川圖

### 白華庵贈致雄三彥二僧

衙居意不適命駕入秋山萬嶂霜添縞千楓日減殷  
斜陽歇惺望信宿白華還何事窮訶衍諸潭綠一般  
李仲約真儉過我湖臺池閣既許二妙重以佳  
休誠處子之遭也謹步來韻為湖山替謝使渠

### 自答不應若是拙也可愧

泛波殊汗漫幽事在池塘小嶼移叢石遙山對衆香  
蓮衰猶擁檻菊綻始浮觴獨愧於詩懶東編未半箱

### 崔判府事錫鼎挽代作

仲兄先夫友稚弟後塵遊自我亡吳趙依公作白劉  
早起瞠逸駛先至顧跛牛學蔑常勞勸詩蕪辱與酬  
夏瓊容與講廊廟猥叅籌藥院憂遑並郊扉恐悞侔  
誰明元輔悃自數小臣尤去鳥無重入遺簪愧獨收  
事經三折臂年各七平頭相府門來崔耆筵杖有鳩  
起居時侯富文字向干歐每戒覃思過終因盡瘁休



耗心王輔嗣歐血漢忠侯下為吾私哭中宵國事憂  
嘗期銘我事忍作誄君謳更歎千秋業今為第一秋

同題

補牘三千盛氣臨子房容貌廣平心多應黃閣師承  
在故為青宮宴念深羣鑄每最當國日一丸誰察  
奉君枕東郊更比東山遠便死終難待啓金

淺：稱公館閣雄誰知吾學有宗工咀含百氏幾韓  
子梳洗羣經佐晦翁廿考休先賢相業千秋宜最大  
儒功了當文債書程否年數雖終志未終

滯雨長安寺

灑郎風雨劇顛盲行到長安尚未晴錯道天公敗好  
事不知先洗衆香城

歇惺樓

雲扇徐開出衆香毗盧如女乍窺牆朝暉與發瑤銀  
色夜雨添勻花錦粧佳處更多僧不說勝行雖困客  
逾狂籃輿又度摩訶去應為仙臺看瀑忙

隱仙臺望見十二瀑

勅敵臺高看不遙瀑從西嶺降迢、霧吃壁坼三千  
丈帝醉河翻十二條竹節承來巖歷、虹腰挂下壑  
寥、松林窟上深、谷自古無僧得領要



邑後新屯田監農有作

吾民休出粟太守自明農廢地開為井流丁集作傭  
行耕輿軋：催耨鼓鑿：勉矣同豐樂澆鋤酒已釀

丙申除夕

覓奴戲局各歸眠少睡吾唯守舊年前過光陰寧屬  
我方來憂喜莫燧天驅儼炬散昏鷄陣賀歲衙排曉  
驚聯不分官居近陽谷殘宵海日見常先

丁酉元朝試筆

民推不去坐凝然肯愛微官定慕仙雖愧柴桑八十  
日擬留蓬海三千年煦摩村里元無最詠嘯湖山略

有篇何事新春先料理侍中遊舫後坪田

高城趙迂齋

持謙

廟木蓮樹詩

并序

吾宗迂齋公嘗謫守高城郡：庭栽木蓮花蓋楓  
岳植也公修身芳潔秉志公正以立于朝時人不  
容置之海上君子之難也公之取此其亦屈平蹇  
木末之意歟高之士權絀汝柔東海之趙德而公  
門之侯芭也既與凡高民之慕公者建祠祭公又  
移公封植之木以代廟栢嗚呼此豈但愛其人而  
以及哉為其受命貞白可以比橘頌而配潔侯也  
然則汝柔之於其師不惟承其口講指畫而已其



有見其性情臭味之真者乎

木末芙蓉花元不根泥淖何似趙先生塵內立玉貌  
先生謫蓬萊樹亦從仙嶠得托清獻庭如蘭配芬皜  
高人雖愛公蓮愛同者少獨有舊弟子與樹依遺廟  
寂々朱扉掩層々皜葩曜寒花雜荔蕉進侯々應笑  
嘉樹傳稱韓甘棠詩詠召我作木蓮什俾代迎神調  
導倭晨謁請開洋梅雨新晴船趁涼妓葵三吹帆欲  
掛此時方見石心腸

聽說商齋絕紫團行臺跡今賽霜寒歸時使船應虛

颺亦不輕將赤石安

吳西坡道一夫人挽

皓首同安貴後貧由來哲媛配名臣徒誇白內蟠花  
誥尚嬰元家落葉薪過嶺得偕坡學士哭韶仍是鄭  
夫人泉臺泣說知何事世禍猶延阿囷身

趙禎甫挽並小引

日君之死而歸也裕亦有瀕死之疾郊殯三月屢  
一撫棺至如文字雞酒之凡可以用吾情於吾友  
者蓋闕如也而君宰上之草今幾乎禮不可哭矣  
楊橋公戲曹之言做子建誅王之辭追掙平昔輒



成短章凡得近體六首遂操此為侑酌之文諷告  
于霧座之前

南岳先生識字奇伯兄強友仲兄師三郎獨也家風  
在稚弟因之世好縻舊讀子猶談左漢先編吾猥定  
文詩詞場兩代周旋事更語癡見令嗣知

當世詞雄略得當教劉心折獨孫郎虛名厭見陳驚  
座警語常輸孟擅場文字庶娛窮後日麴糴思拔飲  
中鄉親書屏酌相期事看取君家赤牘歲

冲虛懷抱簡真儀得意朋來便命卮酒德彌溫羸飲  
後談鋒不鈍競論時踈眉元有壑丘韻皤腹不妨山

澤姿君錫說君遊陟事舉籃曾不汗沙彌

衡門聞咏已知公非某誰過老敬通慣見見迎長鬣  
客偕衰人對二毛翁同心之臭尋形外有味其言在  
訥中吃且好詞耽寂寞憶曾呼作後揚雄

科宦心休各日斜羨君猶作晚生涯園林杏奈新成  
果階戶芝蘭競長茅杪境漸佳如啖蔗湊緣還散等  
搏沙唯應頰笑吾衰相無酒無朋對菊花

師兄譚咳接無因時獨逢君一笑新寒日淡傾聞笛  
里數星孤帶倚樓人蕭條洛社方依白零落漳園又  
喪陳何苦每題賢友挽宅卿前謔慨成真



西坡改葬挽

一自端明返道山幾番風浪又朝班交情屋變人烏  
愛世憾弓移子鹿寧元識怨恩無地下不須遊戲復  
塵間百年公案 宣詩在可代理銘贈大還

李大憲 喜朝 夫人挽

賢媛微聲早出閨幽居舊通水東西幼時丞相偏憐  
女晚歲徵君共隱妻紅誥不榮荆布好紫芝同茹蓼  
梁齊元來隣雅今姐誼詞為夫人敢廢題

李汝翼 羽漢 兄弟已亥回甲宴次席上韻

彝降星宮本共躔晚途猶鮮兩人全今朝偶赴東隣

席同日雙瞻南極仙一乳並生周士歲六身重到絳  
翁年試看鶴髮難兄弟壽酒誰先舉玉缸

追次黃先達 最喜 席韻

青宮代試始今年 上謂英才汝得偏二祖雲孫寧  
寂：三郎風調本翩：商仙第四翁真是漢儒無雙  
爾豈然六郡歸來居賃宅更應清白與兒傳

清橋酒席分韻得進字戲為長句贈江州都護

金晦叔 始煨 令公

君莫厭邊郡薄猶勝座上諸公塵易半醉金玉鬢君  
莫憂邊備弱尚有帳下羣妓自成一隊紅粉陣踰狄



嶺頭鼓角迎降胡亭上笙歌震遠城江出廢閣延對  
俎山盤古肅慎朝來江把告麋渡獵書馳期滿浦鎮  
千夫打圍女騎同就中愛禪輕駿紫團茶和極葉  
供赤羽膳佐葡萄進始知邊守真富貴丈夫生當一  
佩江州都護印

洪石城君則

重聖宅呼韻

殘樽移坐翠楓根酒墨淋漓有昨痕縱被人呼輕薄  
尹郎能三日不過園

又贈石城之行

每憐吾友拙於吾五十功名始一符此是詩人官本

色水曹郎出領江湖

題歲梅閣二絕

非欲故欠詩其如語無警不祛筆端塵那描香與影  
窮臘雪初落今朝詩適成龍公與老子始免殺風情

梅花盡後曉起無聊賦二絕句

寒與梅花着閣中憐渠先敗五更風君看花去皺鹿  
幹難笑著銷老醜翁

玉塵飄瞥點空楂補貼寒梅有雪華只欠黃昏香一  
陣又教人恨海棠花

肅宗大王挽詞

代作



吉夢龍樓 上寤驚竒徵早卜 聖孫生年逾 穆  
廟無屯難世後 英陵等理平好事耻輸前辟做治  
功獨集 累朝成寥々八字那描德猶自撝謙愧羨  
名

老於平世忝耆英何況同司戴 聖明東洛會中無  
此事西樓建後有今榮千齡遽減孤齊祝久壽非歡  
愧獨生誰識 景賢宣勸罷一詩曾為十臣成

舍人從氏新築湖海樓於錦壁江上寄題二絕  
嘗謂兄當督八州蕭條今作稻梁謀誰知問舍求田  
日猶起臨江百尺樓

見撒漁翁攄舷短篷同着玉堂仙從教水濺蓑衣  
濕不肯輕登紹聖舡

吳保卿大夫人挽

清貧自樂隱之宅法度元傳正獻門學士之親丞相  
女身邊猶不近紹温

撫頂隣兒已白紛碩人何德不承聞偏思胤友同惚  
日遣女奴來督做文  
訓子指門督病爺紅牌叔後白衣家休悲羅隱墳頭  
桂解發三枝五色花

送宋仲文徵奎赴杆城



天意猶憐首落盤魚鹽地界舊宮官永郎風月家  
在澤老詩篇郡乘看玉粲稂高僧亦富珍歲海濶  
非殘笑他皆骨諸隣令雖自稱仙也儉寒

沈正言尚鼎挽

彩雲自是希看物優鉢初非每現華天出諸人瑞斯  
世倏然收去意如何  
降送竒才掌帝文豈教珠玉辱塵瀆無寧召補淵商  
職先攝林崔次到君  
秋墳春夢句曾傳才鬼文仙本有緣碧血識成昌谷  
後紅靴銘進玉皇前

上江舟中記丙戌隨從氏運舡舊事志感示同  
行堂姪

吾家元禮昔同舡好境催詩顧惠連輕槩每呼三站  
酒小囊曾溢上游篇中宵去壑舟何處十載觀河水  
宛然誰識漕灘風雨夜白頭又伴阿咸眠

呂文學必禧挽

原明龍象伯恭賢同日科聲昔赫然師仲青雲元一  
夢受卿黃壤又中年呂平章姪誰叅政回道人家半  
化仙此去縱逢亡執法昇平何事可相傳

和李叔馨沔浦八詠



復屋深屏不漏紅  
豪家那識日生東  
先知曉旭温  
味獨有茅簷曝背翁  
右東窓朝旭

豚栅鷄埒暝漸迷  
孤烟何意起村西  
曳筇欲過隣翁  
飲戒醉丁寧有老妻  
右西林暝烟

枯柴容易壓肩還  
不似京郊取桂艱  
隱：山花來遠  
唱竈間老婢亦歡顏  
右前山樵唱

天晴儼立令公巖  
側過千樞入頰監  
一蹕爭趨宦海  
去就中誰是季鷹帆  
右後浦風帆

連月高田憫雨乾  
朝來小霰見農權  
東秧北種皆蘇  
否不及披簑徑往觀  
右雨野觀稼

上堰場收下堰漁  
天教飯稻又羹魚  
寓公晚福人誰  
識未免誇張入洛書  
右晴堰打漁

梅亦何言蹊自成  
到門人果趁香清  
玉翁也是容齋  
後客不能詩定不迎  
右梅逕迎客

竹醫君俗斯為藥  
何藥能令竹作欄  
更莫携妻燒筍  
食此君支屬恐全殘  
右竹欄時藥

洪長城處宙挽

姊家三世在唯孫  
小叔逢時每憶昆  
高閥生材如許  
好下僚沉迹有斯  
寃西河哭後星  
鬢北所畚回寂  
寂門借種秋花秋  
不待為誰籬落晚  
英繁



有梅六七家輪設小會第四席吾為主人

火辨諸家飲迨花未及飛自慚南巷集已見北枝稀  
小酒那排席殘英僅點衣客言真率好看品不妨微

第三會一草亭

旋馬廳寒四改年老梅猶與舊瓊傳中堂又拓開花  
日內集還如詠雪天文正業曾魁藥見廣平心豈艷  
詞然堦庭復有諸瓊樹同甬嘗陪太傅前

向日軒第五席

皇祖遺堂指畫圖冠孫在者獨兄吾請陳先德聽宜  
敬要講宗盟會可無曾讀書床今滿笏舊藏花閣更

羅壺何嘗許作阿渾達銘戒留觴莫醉呼

憑仗梅花會是圖須知先唱自衰吾一驢一櫟徑賒  
近誰酒誰茶家有無攄槁吟哦人帶酌立枝嘈刺鳥  
提壺蕭條臘藥猶招客何況春遊費簡呼

第六會長姪

光命家五律二首

王久遲三白天初降六花人來別色界梅見大方家  
詩續星堂令觴行雪水茶嘗欺君不韻今可詫仙葩  
癡叔窮猶在賢咸老共居無花能作會見雪即馳書  
櫪已喧宵馬盤仍薦歲魚殘年宜早守團月始偏虛

鄭老作第八會醉後戲述主賓近狀



何樂無羶座基聲電每敲兩翁同隱橘數屋更連茅  
時挈筇鳩往鬪懷竹馬拋又謀梅社酒來托後生交  
後五日夕鄭老復過次前韻

雪屋袁安卧宵扉賈島敲歲時無酒食烟火淡衡茅  
敗奕君猶闔窮詩我欲拋還嗟米貴日難絕巨源交

第九會從弟士昂斗壽家

誰道官偏水部寒衡錢爛用設春盤杯來寂愛當心  
凸花落猶殘點額團法令可依真率席典刑如覩進  
賢冠梅筵到甬成藍尾更底清歡慰歲闌

辛丑除夕二絕

不有梅花會其何娛暮歲明年可再否請以觀梅筮  
五十九年內無有一是處不知今是後能是幾年許

送沈德甫瑋徙桂坊出宰義城壬寅

聞韶佳處復樓居清福清心飲享餘日照春盤庶事  
去水凝夏穴長官如麗鷹不死常供翟浦蠶追思遠  
送魚雙味一壺詩欲易老饗人比撥羊書

次唐人韻送閔君望

三月停衙效卧仙人疑粧病度荒年誰憐闔蟻聞床  
下忽見情朋到枕邊官膳未稽安邑客天花欲點烏  
窠禪新詞莫唱開先曲玉心飛怒瀑前



病中見西臺山

珠寺高窓見沃洲舊知江郡境清幽晚累南印仍茲  
土却望西臺宛昔秋身病自稀開政閣年荒未暇宴  
仙樓民嘗不托吾停藥然後人從太守遊前記四十年  
西臺寺後峯俯見沃之邑治賈島霧  
隱寺詩有絕頂高窓見沃洲之語

憶鶴林舊遊次韋蘇州韻

五載居東尚欲東鶴林歸夢每過通江流縱帶今封  
內湖曲難忘舊侍中茗甞扁懸張叟宅進舡詞有柳  
郎風前遊欲續仙樓下畫舫笙歌約略同

聞雲卿開先新詞次李滄溟韻

青山傍郡卧玄暉病未哦詩但有歸朝友議移閒養  
局溪翁勸製隱居衣煩膏昨夢江吞竭起也新詞瀑  
怒飛白石清泉亦聞此香爐舊誓可終違

郡閣即事

二妙同來作一羣金童奕思柳翁文官書且置親桐  
友郡宅當離種竹君青葵欲祈台嶽雨彩牋先畫沃  
洲雲民言太守寧遑處旱火焦秧已七分  
青梧翠竹覆官廬吏絕趨庭鳥下除麥熟民猶形似  
鵠杞甘吾不食求魚憂灾 聖教朝擎讀喜雨新詩  
夜起書近致山人同夏榻效頻巾斃亦輕虛



喜雨

烏雲忽罩嶽尖葱，認是祈香始徹空。  
天意底回圓蓋上，聖躬親屈妥壇中。  
篠駉競走無憂稚，秧馬都騎看屋翁。  
莫歎高田露不足，樹頭未斷小姨風。

小晴出郊觀移秧

一雨農歡溢霽空，陰晴雨適喜相同。  
日寬晒暇宜漿服，風便幘程好試弓。  
輟蓋觀農來太守，拋簑助長有村翁。  
區區荒政那蘇汝，今歲天當賜一豐。

郡軒移竹

竹葉於人最有情，解塵炎苑助淒清。  
工能代尾添詩韻，客有吹簫作鳳鳴。  
淨地以為君別館，癯身元自我同盟。  
曾經行處移皆遍，無此如何了一生。

夜起聞雲卿吹洞簫

嗚：劫：故多姿聲起篁間，夜靜時誰也似仙。  
還仙鬼聽之非肉，又非絲。江舟餘韻風猶嫺，  
山館幽懷月獨知。問孰無眠聞至曉，品簫吾亦一鍾期。

又聽雲卿歌

忽聽新詞嘍奈何，官娃白是七郎歌。  
松仙逸氣傳腔盡，匡俗飛流寫曲多。  
黃綬使君賡欲了，紅粧弟子唱相和。  
不著花月新精彩，誰識山人化所過。



寄宜春倅姪鳳命

公堂縱陋勝吾廬水後民猶樹杪居衙宴強徵鹿妓  
唱厨鮮每督小童漁官疝久積三宜去邑瘼雖多一  
未除年少為治寧效此送詩聊代戒嚴書

初伏日避暑外軒

高閣褰簾暑氣除西臺遠翠入空虛新分歌扇娃齊  
唱催進詩牋客競書伏日吾何烹社肉灾霖民或瘳  
江魚君言此夕佳風月寒碧仙樓尚不如

琴嘯堂偶吟

公餘暫似解官人時入篁齋習隱淪郡務吏休煩老

子民憂 聖豈責愚臣灾田又蕩初三雨荒政重營  
第二春爛熟思之歸最好在家飢止一吾身

中伏日避暑東館

無賓邢許妓登筵有牒方容吏至前漠々靈天常欲  
雨遲々夏日似留年風生東館偏敲竹霧罷西臺忽  
擢蓮人自苦炎吾不覺本來心與境冷然

咏獨鶴

秀出王君立早班矯然張相下人間依成玄覽便衰  
體對暎霜毛愧老顏孤影傍吾同寄郡一琴將甬欲  
還山翩躚顧笑知何事似笑官身太不閒



次贈湖南左御史

羸駘湖甸倦知津一日行臺氣色新孤店曾誰殮過  
客百城今盡候王人也應白筆題詩遍豈獨軸軒  
采俗親還笑管山衰悞守浪驚他路鐵駘塵

沿牒往永同歸路放赤津舟下聚遠亭雲卿已  
來待矣

湖亭避暑約詩翁催了文書發永同赤渡舟迴青峽  
內羽衣人立畫樓中殘杯小茗官庖冷銀鯽黃瓜村  
餉豐又送新涼塵晚熱郡齋無此滿江風

次養閒堂舊韻詠紅牡丹

丹渥天人相初非醉印觴即今王亦爵隆號合花皇

李秀甫廷傑子挽甲辰

昔勉尊公莫悼殤一珠非少有斯郎雪壇牛耳吾推  
早電路虬腰雨跨忙空室留見煩祖哺小樓無主只  
書藏莖詩喜誦曾何意更發驢鳴助給喪

上任之第七日始入楓嶽口號

淮陽民吏候官行萬二千峯更欲迎衙裡簿書看未  
了籃輿旋指眾香城

投懷要去評尊翁有眼見猶看錦楓萬瀑千峯家境  
內不妨無小畫從公



聞廣湖諫議景命松山侍郎遠命俱紡絲造網  
日致鱗羽能繼家食中肉食故戲為一絕分寄  
乙巳

山居罩雀水眾魚汲、如蛛恐結踈各任飛沉休困  
暴自家還是網羅餘時諫議新有謫  
侍郎方門黜

寄家姪侍郎郊居

晨送柴馱博米錢侍臣郊活太蕭然隣人勸道為農  
好復脫冠貂買洞田  
符老村中訪友去簣簞谷裡對妻殮山童行覓張羅  
處有雀嘈啾吏部門

青巖亭主人權修撰斗經挽

乙巳完人有類孫家羶尚守碧雲根玉堂天上身難  
到華閤山南望獨存詩格欲追盧傑句學程勤拾退  
微言黃池白苗羣才會君又虛生老死村

邊君致道驪江泛湖亭六景

湖亭朝日望亦有山之嵐變幻空烟裡北城而在南  
右北城朝嵐

迢：楓岸鐘曉渡秋江廣疑添馬巖浪忽杜嘈啾響  
右甓寺曉鐘

牧童寧畏水側騎浮鼻牛隱：數聲笛已從青草洲



右桐島牧笛

燕瀨十灘間曾苦舟膠淺秋水半扉時歸帆好放遣

右燕瀨歸帆

驪湖三十里月出房心間帶得清樓影村舡深夜還

右驪湖霽月

龍門暮雪色何異歐公時只在欄頭見無勞遠渡伊

右龍門暮雪

任氏挹白堂尋春次任恬軒韻

題詩南澗記當年歷源頭五洞天十載今垂華髮  
到諸園誰保故擅傳貪隨花柳寧稱老略閱滄桑自

認仙杖策欲尋青鶴址更懷容翠舊團圓

老醜居前愧少年耄嗟偏在暮春天詩名敢與諸任  
齒堂號應同醉白傳竹裡鸞啼聽砭俗松間人坐望  
疑仙休將世界論完缺此會猶為少滿圓

粧遍山砧與水涯村隨分占年華仙郎競辦遊春  
騎老子准看隔霧花池上堂隣裴令宅洛中園盡邵  
翁家林塘大有禽魚所莫訴宮枝不借鴉

補題呂師仲鎮安別詩帖

單聯贈別為行忙諧笑中間勉戒長一抹蛾眉天下  
白雙尖馬耳雪邊蒼北臺好看晴山色吳郡休誇宴



寢香十四字令人閣筆當時頗自比襄陽

記壬午師仲餞席余既和主人蒼字四韻又占一聯曰云：蓋以主家後閣人乃寧越產而馬耳即鎮之望故牽湊作對也坐客皆拊掌贊妙相與一大噓而罷噫酒後雅謔尤跌宕可傳而以不成律故獨漏卷中殊為缺陷茲以餘意着頭尾完篇追附前詩之次以補駱樓遺事亦令諸君知吾一輩之時有張弛也

次宋君集

成明

松石軒韻

峨山南作釣臺躡松石之間湖映軒炎遠元遮青障

子夢涼常枕碧雲根隣亭春草榮何在相圃秋花的  
暫存獨此雙清差耐久江臯相守庶無諼

行歲今不占霧氛諫議同歸漁釣瀆割地平分陶谷  
月移軒尚濕藥泉雲欲爭前哲山人字共挹吾家石  
澗君招悵樂亭先失主廣陵秋笛若為聞

題四帖小屏五絕一帖各三首

一道泉垂磴茲為第幾釜金君看瀑處何不着茅宇  
仙洞元多雨吾曾敗興還墨雲將瀑沫猶濕畫中山  
山色顰如許濕聲當更噴依稀聲色裡終似怨幽人

右三釜淵



昔歲貪觀瀑危橋判命過今知圖畫穩卧見十層多  
銀河元一派孰作層：瀨應是海風來吹斷不成帶  
千秋佛頂瀑二鄭發揮之後有元伯畫前有季涵詞

右佛頂臺

湖山元活畫更有出藍圖試見傳神妙那分真幻湖  
嵐翠峯重六烟波湖四灣應同南石到又泛小蓬山  
山在仙何去紅亭寂寞開當由丹字污再不世間來

右三日浦

自古湖山案舊官難捨處如何蘇長公不畫西湖去  
無限淡濃態全和烟靄來人疑饒太守載返侍中臺

一葉橫江面知吾晚泛時如聞持楫妓齊唱進船詞

右侍中臺

宋君集陶谷八景

山樓粉堞映江南西將臺高獨入嵐慘澹黑雲曾壓  
處夕陽無限變丹藍

右南漢晴嵐

黔丹山月未成輪影入迷洲到廣津若道釣翁撈不  
得滿船那載濯輝新

右黔丹新月

傍江籬落帶山樊好聽漁樵問答言朝爨數家烟樹  
裏依微真是夢中村

右夢村朝烟

寒星點：浸汀雲績火漁燈遠不分不分三田碑照



見菴書尚漏嶧山焚

右松坡夜火

漁樵渡了卧長年昏黑何人又喚船渠自鐘鳴行不  
息只愁呼破水軒眠

右暮渡喚船

江凍漁翁尚獵心水晶宮撼斧斤音玲瓏千竅真成  
網肯漏槎頭適漢陰

右冰江獵魚

貪吞蚌浦浪相麀危沒龍堂樹不高撩動維摩新起  
色君誇八月廣陵濤

右蛤浦漲流

移家欲住古新村沙苑橋西萬柳樊問爾廣陵何處  
在婆婆獨樹指高原

右龍祠獨樹

任吉甫

守迪

家見梅花追賦

雖招寧往熱官家冷淡心腸皎潔葩元與林高同遠  
韻莫教徐庾賦名花隨風落葉偏黏鶴封雪寒枝不  
借鷓更為詩人開一徑也愁驢子路迷义

次任注書

珉

韻述新村卜居事

久謀臨水屋三間心上經綸老未閒嘗覓霧源窮北  
谷晚知佳處在南山江溪映發新色漁圃隣依有  
好顏卜宅差先君是主僑居那免事相關

又疊間字

鈿潭今在鎬豐間城郭人猶視等閒君最先營霧壁  
宅吾何遠買沃洲山尋村柳已迎開眼逢水梅如喜



破顏却恐青雲名父子他時煩我看柴關

新村十咏

野圃無垣落垂柳自作藩年來青翠密漸隱百家村

右柳村

翠浪三十里郊色連江色各掃柳邊場誰家不指麥

右野麥

二水縈沙苑餘流出石橋茲為御溝派江漢亦來朝

右箭橋

軟茸綠毯地騰倚雲錦匹認是文王園村牛亦往齧

右牧串

明道所樂處溪穿楊柳中清和好天氣如坐舊春風

右前川

平生丘壑心垂老得拳岑自種楓松子何時成礧陰

右後礧

種瓜終吐蔓隣畝已纍：晚歲郊居策須咨老圃師

右瓜圃

安床無定處隨樹陰西東此味野人獨何煩分相公

右栗亭

石底潺湲水時為怒瀑來且留看再漲頭上有輕雷

右礧瀑



前溪忽倒流知有上游雨已看羃島帆高出新村樹

右溪漲

次君集韻

綠簔衣壓帽簷斜學士衝泥過野家一權寧關今舊  
雨數村相望北南涯廣陵濤色他從壯幽谷泉聲我  
自誇欲逐樊須師老圃聞君先種故侯瓜

大諫從姪七夕祥日志感寄陳靈几

某乃如吾耿介見哲兄斯語昔聞之今和似者都歸  
盡何處人間見白眉

王考床前蠟鳳孫豈知名位限薇垣今朝兄弟青雲

列獨少風標伯壯元

新網新堂次第成落筵將設鰕魚羹君曾不待吾來  
晚虛值春江穀雨晴

客題松石墨淋漓荒落隣亭鳥不窺欲踐前言和十  
咏殺風景語不成詩

曠衣時節仲容亡瓜果陳筵又祭祥南巷如今那忍  
過露荷摧折鑑亭涼

疊次斜字韻送君集以館長還朝

橋西小徑入歌斜澗水柴門是我家霧壁營莊非仕  
宦漢陰澆圃作生涯江居野活誰差樂漁問樵磨各



自誇何術諸君收敗局一番人退好鋤瓜

次君集拙釣詩韻

山翁晚學漁其釣本非釣虛想深、鱗空沉、篋、篠  
且愛遊、儵玩時復歸、鴻、眺日暮荷竿返溪風吹、嫋、  
無魚豈足歎菜、糲真吾料何心恣烹膾物亦悲、殄、了  
魚樂我知之不勞尾自掉不捕亦不放任其遊、森、  
今者見君詩拙釣均可笑請安侯喜拙毋羨、唐公妙

后溪集卷之二



